

鄂氏宗譜

卷之

首下

鄂氏宗譜卷首下

西軒公暨王老孺人合傳

川不敏承家族命續修宗譜繕寫之余縱覽文牘序傳而至曾祖父西軒公作一序誠爲至要焉竊聞曾祖負質老成秉性剛直處事嚴謹待人親和習文攻書夙夜匪懈雖厄於時運未入學宮究非曾祖之遺恨事所最遺恨者元妣劉無出而故繼配肖育一男一女男名善寶慘遭豆亡越數年肖病逝再娶王數載未娠嗚呼門衰祚薄晚有兒媳零丁孤苦能不憂耶語曰不能啓後何以承先又曰不孝有三無後爲大且曰知我者謂我

鄂氏宗譜

卷首下

進賢堂

心憂不知我者謂我何求川揣數語知中心耿耿有難爲外人道者厥後曾祖父五十有七曾祖母年四十有四歲甲寅日戊辰祖始生一時宗族友羣相戾賀曰幸哉有子可以承先而啓後矣易云極善之家心有余戾其爲公言之乎爲公與德配言之乎川又聞知曾祖母王老孺人性慈惠心溫和四德守勿忘戒教三从嚴尹姑之箴處已待人毫無失之偏頗操井臼勤紡織可與曾祖父相唱相隨曾祖以下川父與叔父始分兩支憶萬世生生息息繩繩繼繼又非曾祖父母之隱憂何有如此之繁茂值此譜牘告竣故書之以爲傳

皇清光緒二十一年歲次乙亥

穀旦

不肖曾孫利川薰沐頓首

鄂氏宗譜

卷首下

節母王老孺人傳

節母王老孺人鄂公正權妻也年及笄歸鄂氏相夫教子必敬必戒無違越四載鄂公逝孺人晝夜泣欲以身殉念孤女無依始節哀躬撫養焉孺人無子立其弟格公長子道修爲嗣親愛如已出時而育時而作蓋數十年無怠志道光乙未冬之望孺人辰起櫛沐畢正衣裳另集家人談笑竟日間以箴規至夜無疾而逝其孫光耀爲之請旌并入邑志且囑其曾孫明淞立傳予以淞請不获辭爰爲之傳云

予每讀詩至柏舟窈嘆衛其姜之不朽豈以共姜飲不

窮之憾矢志歷操至作爲詩歌以自誓靡他而編詩者
逐論列其詞以冠廊風爲足表潛德而發幽光乎世常
謂古今人不相及若吾邑

鄂母王孺人之於共姜何如耶共姜以弱齡脆質與世
子訣痛念兩髦不聞稱其有子此與孺人同者也共姜
守義以不諒之身致呼天觸地而死不得如孺人之得
舅姑及父母歡此與孺人是不同者笠見今世婦女鮮
能詩者而詩得不得固不論也其所論之共姜之所值
者富也貴也有力而傳孺人之所值者貧也賤也無力
而亦傳此又似難於共姜矣共姜之生也世子無男不

鄂氏宗譜

卷首下

三

進賢堂

聞其有所立也孺人則憫權公之不祀爰立其姪而撫
之此又似聖於共姜矣共姜之死也克完其貞不聞其
有異也孺人則昼集家人談笑雍容至夜無疾而終此
又似神於共姜矣難也賢也神也皇旌額士題楹宜也
非幸也序以敘傳以傳稱也非誣也吾因之有感焉古
今能文章工吟詠男子中不知凡幾居平無事慷慨激
昂人人輒自負奇節及一旦遭大變故辱身污行求一
克自樹立卓匕如前日期許者蓋寥匕其罕睹矣而孺
人獨以閨中弱質勵志冰霜猶得與古淑媛如共姜者
異也而同歌此豈詩人之能不能而輕重哉

贊曰

亭亭松柏有堅其節傲經冬霜耐歲寒雪古井自冰幽
光必揭耀公有請天子夷悅

經綽褒崇鉅典眉列女慕其貞士欽其潔楹語煌煌寫
金繒鐵

賢媛有後吾爲母決予人之俊孫邦之傑家道其昌永
無竭猗歟休哉媿共姜之芳烈

同邑後輩賀蒿毓熏承氏頓首拜撰

光緒二十年歲次戊戌仲秋月上浣

闔族同贈

鄂氏宗譜

卷首下

四

進賢堂

正元公傳

大凡人必有學問然後有品誼有器識然後有事功
讀譜攷我族之有學有品有識有功者其在正元公乎

公原名希字步蟾號雙峰亦號陶凡生平事實年代遠

不可考然要爲我族前譜之重大有力人也何以知其
然歟間嘗讀 正甲公敘曰堂弟元與先促予一敘既

而讀 正先敘曰 正元兄已將成稿示余松從此互

證參觀知稿出自公手無疑噫 公往矣松今於公竊

有遐思焉當公之世系已達夫十餘代丁亦不暇千百
餘支分派別棋散星零人各爲政家各自謀學不深則

心不細品不高則望不隆不信弗從者有之公何由考核詳明而聯絡一致也耶然公能聯之詳之公之學識何超歟且吾嘗見今世之士矣殫精畢慮默計兼權不惜竭才力私爲子孫謀徼幸有成得才者守猶可一二世及不才而墮棄隨之徒貽守虜謂此其品不優而事不成者以視公之重公德不爲私圖其舉動爲何如也乎淞今承家族命續譜踐公之德推公之心略舉梗概欲誌公之不能忘是爲傳

光緒戊戌

族姪曾孫明淞敬撰

鄂氏宗譜

卷首下

五

進賢堂

鐸公銑公合傳

詩云棠棣之華鄂不韡韡爲美兄弟咏也殆不啻爲美鄂氏之兄弟咏也何則我鄂氏自 恭祖 爵祖並列 膠庠後 部公 郇公統爲一代儒宗而作縉紳之模楷繼之者有 宏遠 澤遠二公爲族正與及祠譜創修之勞是皆以兄弟立功德施聞譽者也然最著者則又莫若 鐸公 銑公焉 正鐸公字化九 號敬齋名列上庠非素志也性情不得而知其歌頌在宗族鄉里間者仿佛能記憶聞公博議多智有謀而果斷營公不計私乾隆壬子年公提議邀 元甲二公修譜而譜慶

成嘉慶乙丑年復領首與 清公 祿公 身公建祠
宇而興秋祀他如爲卧虎地之祖塋培各山林之樹木
其應手奏效者屢至代鄉里排紛爭評曲直決一言靡
不帖然服迄今百餘年來偶爾話及猶能使強者服懦
者立善良咸稱贊弗置其爲人欽敬也若是然聞公在
當時猶自嫌有難能者以其有文弟 正銑也 銑公
庠名正先 號自新字靖齋有道德能文章人崇之若泰
山北斗遊其門者梯雲折桂如拾芥草即質劣者得公
餘緒亦掇芹香而有餘故一時我鄉紳儒多公手植之
桃李雖我族文淡命素厄遇多艱淹博若 樹公 咸

鄂氏宗譜

卷首下

六

進賢堂

公才華若 文公 澧公 惠公 皆有聲望於士林
非 公之因材善誘曷克臻此然公猶自覺有難爲者
正以其有兄 鐸公也噫二公之盛德後遂莫有及者
焉昔人謂元方難爲兄季方難爲弟者證之二公信然
使其際風雲慶明良得展經猷抱負亦伊皋望散之儔
也豈僅夸一時榮一鄉也哉吾讀詩至思齊之次章曰
惠于宗公神罔時怨神罔時恫刑于寡妻至于兄弟以
御於家邦 鐸公似之再讀其卒章曰肆成人有德小
子有造古之人無斃譽髦斯士銑公有焉

堂姪曾孫明 崧敬撰
民國己未年

則九公傳

煌曾祖 則九公 士榮祖之曾孫也 榮祖生子六
 景翼膺亮尊欽惟膺公無嗣欽公以次子超承繼即煌
 高祖也 超公生伯曾祖 用九公 諱權及我曾祖 諱
 格 格公生有血性剛直嗜酒不喜逢迎不避權勢遇
 爭競不平事喜以正言力解好讀書不求聞達日居校
 以課子孫為務暇則灌園自適偶冬夜觀書聞牛盜過
 蹄聲忙亂遽攔獲不暇計犯公治嫌致涉訟事白而家
 中落然生平重孝弟敦倫紀生子二長修次任初憫伯
 氏 權公博學早逝大宗絕祀以我祖 修公繼之既

鄂氏宗譜

卷首下

七

進賢堂

而六房 璉公亦乏嗣 周妣晝夜泣 公惻然念屬
 本生支復以 叔祖任公出繼嗟乎痛楚若敖之餒遂
 不覺履鄧伯道之危泊後道光壬寅續譜前輩諸公始
 議以 修公兩桃之故至今淞湘兩弟承 權公祀而
 煌則承公本支之系此我支三六房統稱之名義所由
 來也今值四續譜而六房一支亨兄又遠遊高陞聞有
 嗣息尚不可攷新弟特以五子繼緒綿其祀上體曾祖
 敦本之心下啓後人昌熾之望亦至深切當矣 煌故歷
 敘巔末詳註譜牒俾後世知我祖清素傳家其淵源有
 自得以展傳瞭然而苦門祚之衰薄實我前代人之隱

憂莫慰者斯亦誌不忘祖德一念之微云爾

曾孫明 煌 抒誠謹識

鄂氏宗譜

卷首下

八 進賢堂

蔡軒先生傳

蔡軒先生世居邑之永豐里鄂村印照乙固前輩中藉藉名諸生也 煌不及見其人而生平大概得自傳聞幸彷彿能記憶蓋私淑有未敢忘者先生與 煌王父文培公相友善時相過從上下其議論性嗜酒量豪一飲連數十觥不醉會當快意燃燭命進觴手自捧壺高斟滿酌談史鑑中前事爲下酒物朗 匕數千言不輟聲大洪鐘 煌王父文培公豪於茶飲至興濃亦陡談歷代儒行事歌泣唾罵賓主交參不知東方之既白時使者有茶酒仙夜闌天宮雅謔云二公之風趣有如此 先生早

歲能文諸史百家無不淹雅貫通卒以文章厄運竟諸
生老噫傷已晚年不以科名爲事而作爲文章古峭雄
豪無一語羈人籬下至今讀之猶慄匕有生氣誠哉有
文名無文運也其敦孝友端品行直言不避權貴遇事
極有擔當尚嘖匕人口頌之 先生哲嗣三人稱繼武
不料冢嗣偕孫同時賊擄如白雲行空杳無去所次早
逝三相繼淪亡僅遺一孫明熙時甫週歲爲累代書香
一线之延經 先生德配王太孺人撫以成立李令伯
陳情表中所謂無祖母無以至今日者此也天其有知
也耶其無知也耶然而知矣竊 煌有以感矣彼夫膺高

鄂氏宗譜

卷首下

九

進賢堂

官荷顯秩遭時得勢竊柄弄權一旦奸情畢露屠及家
人遺孽無存豪聲驟盡赫匕於生前汶匕於歿後古今
來亦豈少哉求如先生之名稱歿世孫可象賢烏乎弗
得甚矣莫謂夫道之無知 先生之不幸也

論曰

藜軒先生綽有儒行頌聲載道孝友性成雍雍爾度敦
厚和平不阿權貴老氣秋橫癖於取義見利不爭濁富
爲辱清貧爲榮試探所學典籍詳明覘其文筆耿匕元
精性豪於酒一飲百觥匪酒爲命藉酒舒情至今想像
磊落生平如 先生者得氣之清

光緒二十四年季冬月

邑後學李

煌恩洲氏頓首拜撰

鄂氏宗譜

卷首下

十

進賢堂

爽泉公傳

嘗謂苦心人天不負然乎不然乎蓋理可信而數不足
憑也 外祖鄂公爽泉 諱道咸邑知名士其幼時敦孝
道盡友善事師尊予小子不及知然同里楊公卓夫及
銑 叔祖半渠馥林二公洵踐實君子不爲阿好者皆
樂與公訂莫逆易蘭譜其他晉接俱矯矯一時也何俟
銑 以私臆妄贊稱猶憶年未冠從公負笈於梁紫坦姻
伯家始知公固貧惟飭身圭璧務誦讀富圖史而已不
屑七較錙銖得丈夫子二長光璉頗聰穎鍾愛逾恒冀
其騰達掇巍科孰知二十許遽賦玉樓去公大慟謂棋

局已半輸矣次瑚棄儒學賈無闖闖習孫男三明源明
溢明湘皆及教之訓塾子弟解釋詳句讀晰對字切音
指授摩顏柳諸家帖懃七懇七無惰容他師莫及也詩
文有一句一字之佳獎勵弗衰務令其興致躍七銳於
將就故每收功於罔覺經明理邃於朱子注尤能徵引
不遺失每考試朋輩及後生環坐號頭高聲剖析靡不
心傾爲八股規模先正俗骨一空所謂塞北騏驎也其
奈不逢伯樂何而公固安之治家嚴內言不出外言不
入接族黨和而有制其桀驚者勸之不服呵怒之怒之
不改祠聚其里正房長數罪而笞之涕泣而醒之即近

鄂氏宗譜

卷首下

十一

進賢堂

支無容隱人不怨其苛公亦不念其舊所以終公之世
族之人未嘗干顯禁致大獄最睦親姻雖高曾舊戚素
不往還聒七語不休居鄉持正排難解紛必寢而後快
恒爲人備席作輪服主咸豐壬癸間有首亂者擬陳涉
遐邇振動公得賊黨之點者謀令陽親而陰背之曰國
家二百餘年兵山食海磐石底定縱平良奮其志黥越
逞其強不易邊庭側足乃欲僭號於中原稱僞於盛世
亦張耳陳餘之續耳豈不猶河濱之民捧土以塞孟津
多見其不知量也顧破巢之下必無完卵子歸伺若隙
偵若期霉若火剷若器械結其各莊之豪雄每斂精悍

五十人人縛薪一束繩一條兵一具先殲其渠次搗其穴一舉而鯢鯨除閭閻靖老幼安矣點者悉如教亂遂止斯公作用也壽七十有六卒之歲病偏枯隱幾假寐喃七似嚙語聽之特背經典記忘書耳彌留時猶歌文文山正氣歌一通其素所欣慕也夫人抱鏹才不獲展而黼黻驤首皇路且際髮撚攘擾之會無大力者引手援與當代文武起而一洩鴻韜定東南半壁又自傷矣然或安夷處順不親見家人夭折歷諸艱辛得搏一衿乘下澤御款段尋常稱福祿亦差可愉而公何如者今而知婦人孺子咸爲公悄然以悲矣妣氏梁性溫婉彼

鄂氏宗譜

卷首下

十二

進賢堂

此敬如寶先公卒葬祖塋公葬居宅南後遷至九峰大王峰碑碣屹然明湘現子二長繼森次繼品源出嗣宗子璉公後早逝子二長繼鑫次繼壺溢亦逝子二長繼焱次繼森生齒曰繁同室異爨庶幾仰承公志躒而忽公興也夫

時

光緒戊戌年立秋後

愚外孫侯選教諭張 銑頓首拜撰

祖母李太孺人事略

歲在戊戌族人修譜事戶首 連城兄集家人於祠云
家之有譜猶國之有史也史所以區賢奸譜所以分淑
慝懍匕然名異而實同者茲當家乘告成凡懿行潛德
有關名教合宜書之以風我後世僉曰善舉翕然以珩
祖母對珩不禁潸然出涕曰祖母之事實誠哉不忍沒
也如珩不文何間嘗觀毆陽公自爲瀧岡阡表推崇先
美而歷述其來有自珩竊有以感矣 祖母李太孺人
命舛年二十一守志珩父蘭亭公時甫週歲家故窮無
擔石儲戚族交遊咸難之而祖母賜撐鐵石自勤紡織

鄂氏宗譜

卷首下

十三

進賢堂

掙扎我鄂氏門戶俾珩父至於成人試置諸古巾幗志
中節操如今女勤勞如德耀殊無上下於其間若生平
淑慎嘖有賢聲公道蓋自在人心也詞無贅痛惟光緒
壬午年珩父疾終以戚我 祖母爾時上下悲號天地
慘怛 祖母泣謂珩等曰爾輩五人已次成立尚哭無
父耶爾父歲餘爾祖謝世無父是汝家傳也何泣爲嗟
乎 祖母若不自哀而慮後人哀之後人哀之愈不能
忘共言之悲也 祖母今年八十有六矣飲食尚健步
履不至需人而勤儉猶競匕如昔嘗詔珩等曰我家自
一世 忠堂公卜宅如茲至汝身計十六世家傳孝友

永訓非爲雖汝祖早逝汝父亦先我而亡然家聲未嘗
墮汝曹宜各憤勉用迪前光苟無玷於人我一生苦節
願償矣珩愧承先人後不能早自樹立慰祖母殷殷屬
望心亦何顏人世間耶抑又聞之善無不報遲速有時
以 祖母之懿德不克望於珩等或足期之於後人重
孫輩已濟七然未必無一二堪慰我 祖母者蓋信之
於理云爾至 祖母早歲孤幃金石盟心克勤克儉茹
苦六十年有奇邑志中後當不朽也容俟書實請
旌建坊刻事於石

鄂氏宗譜

卷首下

十四

進賢堂

不肖孫明珩璿
璿增璿珠泣頓首拜誌
璿璿

學方公暨雷老孺人傳

學方公老大人者川顯祖考也竊聞祖年五歲曾祖見背雖有伯叔各析爨居終鮮兄弟如手足零丁孤苦夙遭憫凶而哀痛之情哭泣之音竟有迫切形親戚族人俱甚異之家貧田僅兩斗屋只三間饗殮莫繼朝夕維艱曾祖母王恩勤撫字視如掌珠母子二人相依爲命實徧處此誰堪告語至於成立品行端方性情正直其立心厚飭躬嚴治家勤而儉自是田疇漸見增廣屋宇益覺維新艱辛締造不惟有以光前人亦誠足以利我後嗣者祖性至孝敬事慈母左右就養不敢告勞慈

鄂氏宗譜

卷首下

十五

進賢堂

沒附身附棺必誠必信不着一點粉飾跡且愛書恨未親列儒林以繼父業愛命予父讀負笈尋師不辭束修費又恐事重丁煩難以餬口命予叔貿以爲保家計奈叔命不辰年僅三十四歲而棄世嗚呼痛哉家族姻友莫不爲予祖短氣而叔母王慕共姜之守義效巴婦之懷清猶獲增輝門第斯亦不幸中之一幸也課予孫輩慈愛中加以嚴厲並不稍設姑恤念與宗黨內外峭直無私見有錯失必面折不諱事改仍善遇之不復念舊遇有窘迫即解囊相助尤於老而無靠者生則濟以穀米死則助以衣棺宗族間至今猶論及之待鄉隣戚

友更推心置腹然諾不欺一洗奸滑狡詐態他如各處寺觀廟宇與夫一切善舉凡力所能爲者無不慨然爲之非祖之疎財仗義胡至此然尤有未可沒沒者撫親恩之未酬建齋兩次覩祖堂之將壞竭力重修復慮世遠年湮祭祀難以時舉捐酒資請族衆另起春祭一年每人捐錢三百三年每人共捐九百 祖一身執掌生息置田十餘畝額租十餘石以爲春祭永遠費其誠於敬祖何如其誠於尊親何如其聖人云敬其所尊愛其所親予祖庶乎近焉抑又聞我祖母雷老孺人心純一性溫柔歸相予 祖時處困境操井臼勤織紝即每食不飽無於邑色無嗟嘆聲及處亨操持如故亦不見有矜張氣特憶予祖謝世後祖母年近古稀猶克勤克儉內外兼治以輔予父志且嘗勉予孫輩曰汝曹爲祖父後或讀或耕或貿務宜體祖父志以勿貽祖父羞祖幸甚吾亦幸甚迄今祖父母音容雖渺而言猶在耳倘非筆之家乘則兩大人忠厚傳家辛勤啓後我後世子孫其孰從而知之又孰從而傳之哉因述其略以附簡末是爲傳

不肖孫利川頓首敬撰

鄂氏宗譜

卷首下

十六

進賢堂

本立公序傳

同里鄂本立公志士仁人。璧王父建寅公金石交也。先是王父質武漢每歲暮暗擲錢濟貧不令人知。獨鄂公知之與立談言投意愜心相傾遂訂蘭譜焉。既而公以三子隨王父質王父重其人命璧父夥由陳雷契篤管鮑情璧因得與公孫指腹姻而聯秦晉歡噫公家累世厚德入吾三代人之心者若此人如公洵可傳矣。愧不文未便傳公會值尊裘功竣聊即見聞者質陳之。

公諱道修字本立生乾隆末際嗣父字用九生父字則

九則九先生學博遇疎隱於酒性不諧俗惟恃教授

鄂氏宗譜

卷首下

十七

進賢堂

所得以自給公不忍以紛繁家務累堂上憂遂奮然投筆起棄士而經商始之日雖東西南北無定踪夏暑冬寒靡寧暑幸籌算精敏狙獪不敢欺既而事畜頗饒裕爲人坦懷豪俠重義輕財好善樂施持躬正接人和治家謹而嚴內外長幼肅如也道光時設店省塘角業完美矣忽一夜大风告火警業燼舟覆貨淘洗去遂萌公退志庚戌三月卒葬竹子湖珠山妣氏曹老孺人有懿德生丈夫子三長星垣孝慈忠厚鄉鄰有長者聲譽次玉山剛正廉明峭直不阿好謀而克斷三春田儉樸信善敦倫務本能以敬承繼啓爲重皆秉公

家教者深也今其孫明煌明淞明湘亦恪守先型傳清白風於不替其曾孫若鬻穀縛繩綬緇緒皆不屑爲非分事餘均頭角崢嶸他日發祥正未可量抑亦公之德有以成之歟

姻再晚郡庠生夏家璧薰沐敬撰

鄂氏宗譜

卷首下

十八

進賢堂

顯考道彥公傳

人子欲榮其親而爲親傳者宜昭其實使後世子孫閱之以爲法守也若無實可傳而故爲過情之譽溢美之詞以榮之不即誣其親乎惟余父諱道彥生平之實雖無碩德懿行見稱鄉黨而勤儉之操正直之性曾爲宗族所敬重余是以不能忘焉幼時家貧廢讀習藝藝成遂往中州依人作嫁以濟衣食而勤勞罔懈頗得主歡所獲傭值不妄費少許見者咸謂余父曰君勤儉若此必非久於貧者然余父何敢有幸心焉不意日積月累稍有餘資即另行樹幟果否去秦來理固不爽因

之置田園造房屋氣象煥然一新嗣後父年衰邁兒漸成立店務一切命兒輩經營我父始得閑七桑梓矣族中父老因我父直而無阿曲正而無詭隨公舉之爲族正當其時族之良善者得所恃而安強悍者有所畏而懲卽有紛爭一經排解則帖然均服其正直感人卓莫如此雖生我兄弟三姊妹二爰如掌珠而義方是訓延師課讀不惜錙銖今已壽終多年兒輩衣食猶不大缺乏者詎非我父勤儉正直之餘慶耶茲因家乘續修特將父之行誼和淚濡墨以爲之傳

民國庚申

鄂氏宗譜

卷首下

十九

進賢堂

男光華泣撰

羽田公暨蕭孺人合傳

戊戌之冬有客臨於余館曰鄂公 羽田吾鄉正士亦善人也其品行心術無不可嘉今公族續譜君有葭莩誼又洞悉其德行諒贈有傳余應之曰公之品行端心術正本有可稱但才疎學淺妄撰俚言恐掩公之德反遺公以不快客又笑曰所謂傳者傳其實非傳其名也若尚詞華工富麗則恐竊其似而失其真君本其實而質言之也可余乃應之曰公性嗜讀書自幼以忠厚聞長因其季弟早逝遂分心家計不暇應試故雖學淹通養深邃文精采僅身列成均未獲采青芹折丹桂綜其

鄂氏宗譜

卷首下

二十

進賢堂

生平爲子孝爲父慈爲兄友無事不可對人言猶書生本色而且見宗族交遊急則周紛則排難則解見道路凍餓者解衣匕之推食匕之種匕懿行迄今尚在人耳目間然公固積德累仁而妣亦頗有賢惠聲竊憶 姻伯母蕭老孺人性溫厚心慈祥事翁姑孝相夫子敬待妯娌和教子姪多附徇語於女媳無嚴厲聲即余館其家曾經三載亦多蒙其慈愛至若主中饋操井臼勤紡織無間寒暑不畏艱辛幼如是老亦不倦猶戚族周知不必爲之表白焉客因從而贊之曰據君所述 公蓄道德能文章而又好善樂施尊師重道 妣徽柔其性

淑慎其身尤克孝慈兼盡勤儉異常積善之家必有餘慶宜其子食詩書報名列黌宮其孫各徇生理不墜家聲其曾孫迭見成立頭角嶄然此際雖未見功名顯達倘各自努力安知不轉瞬間穎脫螢窗名題雁塔哉茲聞尊譜告竣特將互相問答之語一一書之俾知公之典型可仰 妣之淑德堪欽云

姻愚姪邑庠生張 炳頓首拜撰

鄂氏宗譜

卷首下

進賢堂

星垣公傳

和平正直處世之大端也仁敬孝慈處家之大道也陵夷至今世風不古此誼幾嘆絕跡焉若 姻伯鄂公庶乎近之 公諱光耀 印森源 字照三 號星垣 清之世交也 清生也晚末獲悉見公之陳蹟不敢稍憑臆斷尤幸先諸父與公交遊畢世無畛域分及 清年長亦隸併幪常聆教誨因得於耳聞目見者爲公略紀焉 公髫齡就傅性穎悟好學頗通文字年十六棄儒學貿經紀權算靡不井匕有條弱冠後貨殖屢中 清伯父心黯奇之遂命四叔夥貿已酉洪水爲災同販新穀於陂邑辛亥

粵匪肆亂隨 公趕營於洪山迨烽煙既燼清伯蒙委
武穴釐局公又隨往辦公自時厥後惟有歷年艱難險
阻實備嘗之而公懃懇忠信之心久而彌篤此 公交
友之道已加人一等矣跡其處世接物則休休有容不
稍立崖岸亦不稍存睚眦人莫不樂就豐采而親其光
儀至交際取與又一介必巖以此知 公之和平正直
也 公性仁厚尤篤於親見族有貧乏者解衣推食以
濟之有爭訟者委婉調停以息之公 祖妣王太孺人
貞節可風公邀集名公稟明當道奏請
旌表錫以松筠節操匾額是公之孝固足與太孺人之

鄂氏宗譜

卷首下

二二

進賢堂

節並垂不朽矣且撫育姪輩愛若掌珠無隔膜見以此
知公之仁敬孝慈也及觀公之處境又有人所難能者
壯運亨歷開雜貨鹽麻行於漢積金帛置田莊造房屋
捐功名門弟增輝族黨生色而公不以爲榮泊後迭遭
坎坷業歸烏有庸耳俗目咸爲之短氣而公不以爲辱
尤足異者以義命自安元配李誕七女而不育庶室傳
抱二男而俱夭而公獨處之晏如毫不以爲戚非寡情
也蓋樂天知命而夷險一節者也晚年囊空裘敝影隻
形單公不出一寒酸語並不作一兒女態惟是精龍習
章講求地理與之談青囊赤苞諸書輒夜忘倦有告以

佳山水必欣然請往冀得一賞以爲快以故老而就養於弟 春田公家姪輩奉衣食十餘載越乙未秋七月十日壽終享年七十有二衣衾喪具惟 春田 是任且爲卜吉於稽龍山之虎尾以奠佳城茲值公族續譜春田公不忍絕其祀命喆嗣懋軒繼之冀以承先而啓後噫公之孝慈所感誠有以致一門友愛也清愧無才不能表揚盛德亦聊集鄙語以誌公於不忘云爾

時

光緒戊戌年

太學生姻愚姪許紹清薰沐敬撰

鄂氏宗譜

卷首下

二三

進賢堂

春田姻兄修譜敘

歲戊戌時九九余偕友伴遊九峰登寶蓋躋石門顧盼樂甚晚經駝子店聞侄壻鄂茂仙父 春翁自齊安歸欣然就訪登其堂婦子滿前嘻嘻中帶嗃匕象默異親翁家人何若是談次詢及親翁父子親母嫂夫人袁賢良人也對在祠與連城先生督修譜恒旦夜未歸余益奇之竊思親翁一陶朱輩中叟酷嗜書茂仙每從師情禮周至吉日輒整衣冠入拜先生座其好尚迥與世俗殊茲經理家乘不倦復不苟推此心謂非仁人孝子乎欣極辭出不數武入祠拜賀果與闔族諸名公編修

成帙余盥手披讀其中元元本本合者能使分分者能使合標始祖溯源也明昭穆紀世也辨嫡庶定分也序長幼尚齒也昔范文正公置義田雖云盛舉然敬宗收族與此同歸館後時一憶及愧弗如昨下午茂姪來余復縱談前兩事稱奇者再侄因備述尊大人生平崇儉素重然諾毋苟得毋僭行以故羣稱長者且友愛尤篤家伯暨二伯母老無靠就侄家居食父撫之如父母敬之若師傅凡一切生養死葬無難色仍無德色余聞畢愈起敬大聲呼曰尊大人即友愛一節洵可傳也矧全德乎余欲表彰之以爲姪宗族交遊光恨識短才

鄂氏宗譜

卷首下

二四

進賢堂

疏不能闡發一二奈何奈何茂仙姪從而慫恿焉余執筆不敢下者累日蓋多贅恐失其本真少減又歿其彝美因持即茂仙所言令尊春翁實踐歷書之是爲之敘

姻愚弟郡庠生李維藻香久氏敬撰

長青公傳

戊戌之歲予拙守蓬廬未作筆耕計適鄂府有公席清至伊祠論公畢見有譜牒數十卷堆集案頭約略覽之其考核詳明朗若日星凡名公學士諸君子皆秉筆而爲之傳余當悚然作色突爾生徒明炳側侍余曰爾先大人長青公有傳否炳答曰炳年逾弱冠未識之無何敢道先人隻字哉予甚悵然予究不能默然迴憶余於光緒丙戌年糊口明炳家祠長青公時叩門請謁持麈之下見其身體魁梧言語誠樸不敢以尋常視自是探其行事究其性天知先生之事父母也孝待子

鄂氏宗譜

卷首下

二五

進賢堂

姪也慈聯嫺姪也厚接朋友也和雖貿易中人實誠爲信善人也所最足羨者設店江南蒙城同治癸亥秋捻賊蜂起蟠踞城下糧幾絕可奈何而公運籌帷幄約束地方紳民晝夜護持得保無虞疇不嘆公之智而勇剛而塞強而毅哉至若遇困窮之士不惜分以財見驕悍之夫不難拒以理不爲利疚不爲威屈昂七乎有大丈夫風今雖羽化登仙矣而其孫賢子肖綿俎豆於千秋屋潤田腴享崇高於百代謂非先生積之厚而流自光與茲值尊譜告成咸抒實跡而予亦欲彰公之德表予之心因綴數言付載於家乘中冀垂千古於不朽云

光緒戊戌年

增生姻愚晚蕭克峻頓首拜撰

鄂氏宗譜

卷首下

二六

進賢堂

荆山公傳

鄂公諱荆山册名鳳翔余姻伯也雖村落相連不過里許而余生甚晚其於公之行事未能悉知是以不敢暢所言以貽無稽諂自光緒戊寅年與公三子聯兒女姻後延余課讀設書館於公祠每暇日公來館縱談世事遂及生平細述其源流始知公之祖若父皆業詩書敦孝友崇節儉而本根不虧者何怪乎公之器宇卓犖不羣言論正直不阿進退周旋從容不迫超出於庸俗萬萬乎余心焉異之久而不忘因退而詢諸家老人始知公承先業庭訓有年尋師有年至二十餘歲改途貿易

推算持籌億則屢中而彬彬儒雅之風終未替然此特
小焉者且父母之前有孝聲手足之間多和氣鄰里鄉
黨之中無怨言大端不愧可法可傳此所以枝繁葉茂
至今猶嘖七人口不衰云余參屬至戚敢令公溷跡於
庸衆中而湮沒不傳歟憶公壽七十餘歲卒積銖累寸
家事頗饒人雖往風未微也倘置之國史中亦與古來
兵刑錢穀諸員無多让况當家乘告竣時而不於余所
見所聞諸大端以及公所作所述諸大事筆之於書以
爲後世之準繩以爲家庭之法守乎因不揣固陋特即
實蹟以爲之傳云

鄂氏宗譜

卷首下

二七

進賢堂

姻愚姪清附生蕭

芳雲階

敬撰

清河公暨王老孺人序

己亥孟冬予族讀修宗譜凡屬品詣端心術正及婦女節孝者皆載有傳序誌不忘也憶予 叔父清河公爲人慷慨處世和平習商賈事億則屢中卓有端木氏豐度奈天奪之算年及壯竟邁疾不起遺孤子三長明壽次明金三明哲俱幼無知惟予 叔母王老孺人志堅松柏確守不移上奉白髮老人下撫黃口孺子孝慈兼盡老幼悉安以視陳孝婦之養姑舅衰孟氏母之教子斷杼殆無不及與胡老運不振癸酉年次媳亡乙亥年三子亡辛巳年次子又亡噫叔母性溫柔身淑慎而乃

鄂氏宗譜

卷首下

二八

進賢堂

迭遭險凶雖曰人生之修短有定抑亦天道之難憑耳然不可憑者數也有可憑者理也迄今孀媳傅立嗣守節歷數十寒暑如一日不貽 叔母憂長子壽子孫俱秀可振家聲安知後日不更有增輝門第者出以副叔父叔母之厚望也哉因不揣謏陋略陳俚句筆之家乘以誌永垂不朽

不肖姪利川頓首謹撰

璠公傳

且人動曰仁者必有後炳向者深信是言以爲無不可必也今即外考鄂公光璠大人觀之竊嘆其可必者理也義也不可必者時也命也夫以公秉性剛方居心正直其事親也必誠必敬其治家也克勤克儉其出諸身者百爲可言其取諸人者一介不苟且見人之紛則排之見人之亂則解之見人之急能周者則周之不能周者則憫之至若於諸侄勤者勉之惰者戒之於諸孫寒者衣之饑者食之猶爲公之餘事彼所謂孝子仁人者當不是過也然即未能爲仁人而炳朝夕相依實見

鄂氏宗譜

卷首下

二九

進賢堂

其忠厚有餘固當有後况炳外祖道同公端品行孝父母和宗族恭桑梓未聞有涼德即炳外妣徐老孺人嫻姆訓主中饋操井臼勤紡織亦未有過舉均不應乏嗣何竟門衰祚薄既鮮兄弟終無兒女零丁孤苦以歿世乎從可知人言之可必者理也義也不可必者時也命也惜哉外考忠厚一生竟不護忠厚報之傷心慘目有如是耶炳每一追思肝腸碎裂茲聞公族中修譜念公長房不可無人主祭爰於歿後同立親弟秀峰公之次子明濂爲公之嗣九原如有知也當必默爲眷顧俾瓜瓞綿綿明禋勿替則公之目庶瞑而炳之心亦稍

感矣

愚外甥邑庠生張炳頓首敬識

鄂氏宗譜

卷首下

三十

進賢堂

節母王孺人序

節母鄂王氏

銑

外母也

外父光璉公性和順不忤

物秉姿最聰穎習文字詩歌并七有條理嘗記先母謂

銑曰汝

外公命外父聯句公曰棗花香四月即對云

竹蔭藹千家時不過十三四齡耳公卓然以公輔望之

外公

諱

道咸

字

爽泉學博而理邃其為八股文不屑七

時趨雖試輒蹶攜外父就館人間油油然不改其樂也

立身正治家嚴處世毅而有斷生平始末另載有傳節

母年二十歲于歸事翁姑下氣怡色柔聲即公之卞急

不聞相牴牾禮丈夫如賓如冰紡讀相對無一熱膩語

蓋處士王公國斌之內則固如斯也不幸道光之己酉外父染疾節母侍湯藥朝夕不少離至八月初六日竟不起節母涕泣無晝夜輟飲食不言語翁姑慟兒死又陰慮媳強慰之節母曰夫天也天覆地天可傾地不宜陷乎翁曰若志堅夫弟瑚頗不鈍異日有子即以一索男續若嗣豈有節而不僅丈夫夫宗社憂者節母悟始爲堂上人勉持箸性淡泊惡囂攘與 仲外父析爨居豆區柴薪至纖至細之務不肯處治須臾混家人知之素不忍雜而擾翁每解館歸以所得市甘旨勻分爲娛節母暗念不能奉菽水堅不受翁亦慘然置之不謂拂

鄂氏宗譜

卷首下

三一

進賢堂

已意接小姑姊妹妯娌行凜如也機杼置卧內數十年如一日室人不聞其咳外人更無由窺其面者忠厚逾恒十指所積輒被偷薄者轉貸去未嘗惡聲討以故一身供一口無多儲峙也然卒無怨言翁憫其苦欲乘適健以仲長子明源依膝下佐諸艱辛節母曰兒待教媳待養未能也且半世拮據不暇事上敢計下之事我乎今年七十有八髮白而神識清齒裕而吐茹不噎一切運動人無服其勞亦不願人之顛倒壞緣習慣也例得入縣志受 旌表建牌坊享春秋祀典邇因東西南北之奔馳愧未及然此 銑志也 銑責也敢不以告當途之

幽光者惟是黃鵠之寡振翼清霄彼羣焉嫉其戾俗者既不樂爲表揚而咕嗶迂拘之儔不復諏咨即心知其異又自憾分微不足與卿大夫爭頡頑未敢奮筆墨之光抗希彤管此窮陬僻壤所以不知湮滅幾人志節矣顧以秦康之至戚值渭陽之譜事猶第慚學力之謏蘊詞章之陋罔克令節母親見鑄棗梨與宗族縉紳先生有功於世道敦古處者共炳於千秋吁烈士殉名賢者趨譽節母不吾恫吾之抱歉於節母者將不翅一二矣可乎哉抑思之達士苦不錄而善人必有後嗟乎明源之逝十稔矣棠棣接而華不韡其命也夫媳

鄂氏宗譜

卷首下

三二

進賢堂

氏徐生二子長繼鑫字文堂次繼圭字紹堂俱頭角嶸崢雖不事儒業然恂謹如父天其或者將大啓門閭俾若輩繼繼繩繩耀厥祖宗以無墜前人功斯亦節母所遙矚而默禱者乎

時

光緒戊戌之夏

愚外甥候選教諭張銑敬撰

恭紀生父春田公暨生母袁老孺人事略

嗚呼天下屬望之殷其有過於父母之於子者乎世情皆然七淞之父母尤甚 父春田老大人行三諱庭承祖大人清白之家風十齡客貿齊安終身未他適生淞兄弟三因重詩書孝友携兄貿特命淞讀淞初入塾父執禮極恭每回梓必擇吉入拜先生於座淞質鈍 父督之甚嚴 父性儉樸謹慎取與一介不苟獨於淞之修金校用衣食必豐美且備而不甚加愛惜遇儒林士子來 父接以禮不稍慢客退即詔淞曰某可師某可友某誠篤當親某浮華宜遠淞始疑後迭試皆不爽然

鄂氏宗譜

卷首下

三三

進賢堂

父之細心觀察燭照不遺者無非欲淞之善觀摩得箴規益玉淞於成也豈知淞為一不雕不琢之砥砭乎淞兄德臣材智最堪父輔痛於光緒己丑臘之十七日病癆逝大失 父望又數年淞嗣 父星垣公嗣妣李傅二孺人淪亡父對之如喪考妣念大崇乏祀命淞承之且以後有多孫亦擇一以承大房祀囑淞嗚呼 父不暇於自哀而為後人哀者何周詳纖密若是也耶厥後獨任重力瘁心苦復携弟貿冀紹箕裘其望淞之有成也益迫切嘗謂淞曰吾為爾枚卜功名後或有恐遲暮吾不及見嗟呼 父言此父心傷矣語云知子莫若父

淞父蓋冀子深遂忘乎子之惡也泊庚子夏五淞假館往省值父疾而病見淞至曰汝來甚能吾且暮恐不保告生平有三願一修宗譜一造字藏一設義塾今有了有未了汝等識勿忘勿墮我志至十九日申時歿享壽六十有四越明年春暮始克安葬於溪墜山麓嗚呼父之遺囑如是其欲我後之造成禮樂人家也甚矣然父之言公不及私者非疎也以我母氏賢明理家政素優焉 生母袁老孺人性慈善身勤儉其和隣里篤姻親敬老撫幼恤孤濟貧內外上下靡不隨分如理至今猶掛人齒頰勿煩淞贅難忘者每試母必富其橐資

鄂氏宗譜

卷首下

三四

進賢堂

不濟或貸或抱布貿無難色且淞交汎屢有不速客或數日留母必豐飲食以待不令淞作記前戊戌續譜客逾恒前後數十席母多方供給不少倦猶時以勿怠勿訛督淞苦因憂勞致疾老病喘咳後父三年癸卯八月十三日申時卒享壽六十有六扞葬屋右道長蚌之原淞恨無寸進不克表其阡吁嗟已矣痛何如之淞今承族命四續譜迴思 父卒已二十年 母卒亦十有七年碣冷臺封言猶在耳觸念曩訓一籌莫展雖癸丑歲遍邀族人舉辦義學乃費薄甫期即散惜字之條更徒呼負負想古人三矢遺命一一告廟還矢無愧者淞罪

擢髮難數矣迄今淞年五十弟四旬有奇堂構既莫肯
甲第啓何由愧對先人忝生良多幸弟占多男慶以次
子繼繩敬承兄祀不負先命之一茲僅略紀恩德以誌
於家乘間九原之目難瞑矣是豈 父母屬望於子之
心乎嗚呼

民國己未之歲

降服子明淞泣涕謹識

鄂氏宗譜

卷首下

三五

進賢堂

理堂公橋梓合傳

民國己未冬明適有武昌之行僑寓鄂同春邸主人則
族叔次薌語及續修宗譜延余爲伊祖 理堂公暨先
父 芑泉先叔 蕝泉立傳明以同族之誼不敢謝以
雕虫因咨之族中父老述其大概曰 理堂公自幼聰
明讀書穎悟品概卓越剛毅有爲舍儒業而肄陶朱名
馳武漢繼魚鹽之盛事而功同齊相府海官山援例以
入成均蜚聲國學而獲利倍蓰此所由創裕後之鴻圖
也厥後長嗣芑泉奮志詩書雖未揚眉吐氣而亦不愧

列儒林次嗣 葦泉祇父恭兄而籌算維殷克庇家政
公之經營弗替堂構竟成北陌南阡皆 公父子之斬
棘披荆櫛風沐雨所造之矣嗚呼父老略述大概明竊
有異於次芑之爲人焉使先人無美而稱之是誣也先
人有善而弗彰是忘其德也次芑爲乃祖乃父立傳可
謂孝思不匱矣况明造是邦潛叨厚渥知 理堂公父
子雖然下世而家风宛在子蔭孫賢謂非積厚之流光
乎雖然明以謏陋之才不能爲之表揚懿行而僅即其
所述者誌之亦以示不朽耳
民國己未之歲

鄂氏宗譜

卷首下

三六

進賢堂

羅田族裔孫前清貢生景明敬撰

光天公傳

族祖光天公信善人也幼以善事父母聞及長善與人交爲人多才善賈好善重義聞善言則喜見善行則遷遇不善則望望然去之有一善則拳匕服膺自始至終樂善不倦然善無不報遲速有時積善之家必有餘慶得一子明坊秉公善教雄偉英明亦善解人意游歷京師各省宦場奉王公大人令善接洽不失禮儀當道喜其善爲說詞每下善委以勞績保舉五品職銜今其孫繼煥甫成童即入京師學校穎異常人咸以大器許時勢造英雄或者由一鄉之善士進而爲一國之善天下

鄂氏宗譜

卷首下

三七

進賢堂

之善皆不可知雖曰天道福善自然理斯亦我公之福

緣善慶云

民國庚申

族姪孫繼賢謹撰

榮卿先生傳

古今作傳者必耳聞其人之言目見其人之行而後作之者非虛辭當之者無愧色使耳無所聞目無所見即頌美盈篇徵引滿牒非失之誣則失之妄而當之雖往亦未嘗不赧顏地下此何敢傳與其人毫不相愜也按鄂公諱光華字榮卿生前言行炳耳聞目見熱矣誠可傳也公幼時習詩書謹於言言必有中慎其行行必有義鄰里縉紳每以大器目之惟公先父道彥大人客貿中州億則屢中年近七旬歸里養頤公年甫十二廢學就商請命赴鹿不以主人自居而以學徒自處辛

鄂氏宗譜

卷首下

三八

進賢堂

勤勞苦晏如也執事先生咸稱贊之越三載彥公逝世事故頻加內外無人旁觀者無不慮其家產生業冰消在眉而公年雖稚識見卓犖事雖紛計劃周密不唯善用人且能識人不唯善理財且不吝財往來交際恂匕弗倨款匕弗虛見重市井君子綱維家庭事業洵可欽慕迨庚午年豫軍內閔鹿邑生意付之一炬萬鎰貨物均成灰燼公又幾費籌措重整旗鼓努力經營中所獲盈餘仍與其諸弟同有置田產構屋宇誠不異花萼樓中兄弟也惜天不假年客終異鄉子嗣猶虛理不可必良可慨也茲當貴族家乘告竣炳因不揣固陋謹

述所聞所見以爲之傳

民國丙戌年仲春月之上浣

穀旦

武昌中華大學法律專科卒業生張炳文敬撰

鄂氏宗譜

卷首下

三九

進賢堂

李孺人傳

荏苒韶華去何易易

余宦遊十有三年抑不知故鄉之

風雲若何故人之寒暄若何觸景生悲無日不在感嘆

中適

余案牘勞形忽接學兄瑞卿先生郵來華翰展覽

詢示彼此同情惟聞先生崇尚倫理續修宗譜囑余爲

令嫂立傳

余謏何能傳

余何不傳

李老孺人係

鄂榮卿先生之德配乃

余伯姊也

余讀

書時往來其家覩其事姑嫜和妯娌無違夫子善睦隣
舍循行婦德固不足掛齒惟彼恩惠復乎尚矣茲母保
赤時或有間余友四歲失恃七歲失怙繼母理家兼顧

莫及舉凡友之教養惟 儒人是賴勤針線以備衣履
具蔬果以供膳食敬其師友有超鬚眉給其學費屢求
豐厚歷年雖久未嘗稍懈迄今 孺人年逾五旬數養
莫育已失所天且於侄輩視同己出甘淡食以飴之解
寒衣以衣之使讀書命產不惜備嫁奩夜半傳梭鄉人
皆知非 余 敢擅爲昵親掄揚也當其 尊乘告竣能不
爲之傳乎

民國丙戌

愚弟李國遠樹聲氏敬撰

鄂氏宗譜

卷首下

四十

進賢堂

瑞卿老夫子序

蓋聞莫爲之前雖美弗彰莫爲之後雖盛弗傳是前人
事功必賴後人繼述而後始克永垂不朽鄂府宗譜固
前人創修已四續矣今瑞卿先生以四續宗譜歷有年
所若不再舉行五續將必合者渙萃者散牛殆年日月
時亦無以詳不有負前代創修宗譜之苦衷乎故先生
去冬祭祖而後召集族賢商議五續宗譜幸族賢羣起
贊勸公推先生任督修職其有採訪編修亦各得其人
不月餘稿已告成雖是族賢羣策羣力共成斯舉亦要
先生苦心詳考得以成其功也且先生匪獨對於族事

熱心創辦即我鄉一切公益靡不竭盡心力爲之營謀
籌畫如國土重光後我鄉成立中心小學校基金缺乏
士紳又公舉先生爲校董會之董事長先生更不辭艱
辛設法籌措以積基金創辦成立竟使失學學生咸得
造就其功實有不可泯滅者茲當貴族家乘己付剗
之際堯因不揣固陋略述俚句以誌其生平大略是爲
序

民國丙戌

受業生張明堯敬撰

鄂氏宗譜

卷首下

四一

進賢堂

瑞卿公督理五續宗譜序

國必有史家必有譜無譜宜修修久當續要知家與國
一理國與家合轍苟無人力爲之維繫爲之轉移烏乎
可故國有治人而庶事康家有治人而戶改理此我族
今年五續宗譜咸推族祖 瑞卿爲續譜之督理也攷
諸世派 公系屬 寧祖三房 大斌公與 操公祖
孫均入贅官及 紹封續封伯仲共采芹香逮 永部
永郇昆季莫不膠庠并列迨後其浩其清二公執掌戶
政建修祖祠世世相傳其間重詩書敦孝友者代不乏
人又數世至瑞鄉公督理續譜其責任不亦重哉孝思

至深切矣論功績雖未能昭著於國史能不傳之於家
乘乎按 公生自前清末際世界文明家境饒裕廢科
舉而論新學勤攻讀方獲顯達幼而學常忝妙雋之名
壯而行頗擅鄉曲之譽及其長也教授生徒負笈從學
者不遠千里而來桃李之受益者最深乃復關懷國政
充任於軍旅營謀生計經商於豫鹿整飭戶事爲敦倫
睦紀之族正維持鄉黨作排難解紛之縉紳治家謹而
嚴待人寬且恕此 公之生平略歷也今又於國亂平
定之後督理五續宗譜能使昭穆辨生卒詳離者合渙
復萃舉族皆蒙得人慶其敬宗收族之念莫大乎是推

鄂氏宗譜

卷首下

四二

進賢堂

而上之修齊治平之道胥在斯矣噫爲人如 公者洵
可傳也故於家乘告竣予承族人之命以謏陋之文爲
公一序藉頌 公德之永垂不朽云
民國丙戌年仲春月上浣

族孫繼綬時庚氏敬撰
闔族公贈

連城夫子修譜記言

蓋聞讀書莫大於明理繼志莫善於亢宗竊心儀其人恨未得一覩以爲快也卓哉惟先生乎先生印利川號連城府族中世派明字而標著之曰祿者端品行能文章都人士嘖匕稱之無庸贅惟憶尊翁羽田老伯於同治戊辰年偕族之爽泉藜軒公諸前輩議修譜事已成幅歲饑事遽寢而此事違距垂三十年矣先生惻惻以爲憂不一日忘年來館朝陽剝雅愛愚頻匕謀面輒低徊於譜而不去今年携二孫來謝生徒屏棄人間事曰競競於譜之營一孫磨墨一孫攤箋筆颯

鄂氏宗譜

卷首下

四三

進賢堂

匕如風雨成一帙又易一紙閱數月若一日也勸其事者族之文弟懋軒分支演派次序秩然而繼志述事之願於以成愚竊有以感矣夫世之自命爲讀書者往往矜才炫智舞墨弄文以搏取人間富若貴一旦得志於時聲名藉甚輒謂光前耀後人莫我如而識者核及生平覺舍本逐末愧對其先曾無一念及於原本爲祖父光聞其先生之風其亦汗流浹背而爽然失矣先生距祖宗數百年之後際族姓數千人之多承先年墨本獨能暢志協和大功告竣俾厥考親愛心勢阻而不安於數十年中者一舉酬之是非能繼能述而無愧古

之達孝也與 愚不文未能述生平遺事以誌不忘惟即
繼志於譜一節得諸親炙者略言之昭實也若福蔭綿
長子三孫六異日蘭芬桂馥用彰 先生忠厚之報者
理勢固然鄉先達立有贈文矣不參註
書後

或曰子以 連城先生爲繼述之孝餘無及或者未能
稱此與曰否人生大倫有三首君臣次父子先生僅舉
茂才未得明良慶而此繼述一事於孝字不差離黍使
求忠於孝自移孝作忠也 德配張孺人眉齊鴻案掌
助熊丸非雍睦盍克此况孝友性成人言無間觀親弟

鄂氏宗譜

卷首下

四四

進賢堂

德誠早逝弟妹傅子爾青孀腸撐鐵石特命三子繼點
承嗣以慰其心已可想見矣與人世交認真無欺字最
感辛卯闈中 愚症瀉慨以芙蓉膏賜救自服丸嘻伯桃
併糧何多讓哉較之鮑叔分金尤有輕重矣試合質諸
古名儒全倫盡善夫何憾乎夫何憾乎 先生固不以
愚言爲重而 愚之重先生者蓋不在區區一二論說間
也

光緒二十四年

愚小弟李

煌恩洲氏頓首拜註

連城公暨張孺人合傳

傳之言爲傳也自來名賢淑女見傳當時流傳後世者非徒名有可傳必其實有足傳斯謂不愧永傳恭惟姑父鄂公號連城印利川大人者性情醇厚品行瑞方少勤誦讀掇采芹香孝以事父母敬以奉伯叔慈以撫子弟和以待宗族處鄉隣姻友然諾不欺見危則竭力扶助遇難則盡心排解總計六十年来仁心周到義氣盤旋 姑父其真人傑者哉余表昆仲三長育齋氣度從容言行端正就商賈業仗義疏財一洗奸詐狡猾態次秋元性循謹心和平竭力田園稼穡外不干流俗事

鄂氏宗譜

卷首下

四五

進賢堂

三衣亭春容大雅卓爾不羣德臣公無嗣早逝因承繼以守宗桃兄弟雖未身列儒林而克勤克儉善持家計非得義方之訓盍克此然 姑父尤有不容沒者敬宗心切收族情殷教授之餘因流溯源訂爲墨稿今年春詣 祖祠延請家族計丁派資爰付梓人刷印成帙其有功於宗族以視營營一世有虧本原者奚啻霄壤耶嘗攷虞舜大德式型皇英外治內正紹古軼今我 姑母溫柔其性淑慎其身孝慈兼盡巾幗完人固不獨操井臼勤織紵之足稱也抑又聞之積之厚者流自長德之大者壽而康 姑父年週花甲 姑母歲卜林壬六

七孫風骨珊珊皎如玉樹倘其發憤不息採香芹攀丹桂以至馳驅

皇路是又 姑父母之所厚望也侄因不揣固陋略舉兩大人之實以爲傳

時

光緒二十四年歲次戊戌孟冬月

吉日

姪張師範頓首拜撰

鄂氏宗譜

卷首下

四六

進賢堂

傅氏守節略

皇清光緒二十五年歲在己亥寅月初旬余由省請假歸里省親越翌日踵鄂府適妹家賀新年也時嗣妹子繼點貿易未歸命姪勳請 堂伯連城陪頃刻連城至與余並坐共話衷懷妹轉厨烹香茗備果餡慇懃款洽禮甚隆焉逾一時勳子來報曰客至矣連城趨而視余亦往觀之客爲誰即張君益臣李君恩洲兩先生向係余所欣慕者將近室余二人拱手以迎入門升堂相揖就坐飲茶畢始布席進酒陳淆賓主列坐其次勳執壺且酌且飲談笑自如信可樂也酣酒席撤余謂兩先生

曰適連城家可乎先生皆曰然連城固辭遂止余又詢連城曰兄素館朝陽菴今年仍舊否連城默然兩先生曰連城自去年續修宗譜尚未告竣館未果余乃曰修譜大事也非孝子仁人不能爲也兄膺此任當速成其事連城應余曰敝族修譜凡屬端人正士以及婦女節孝皆有傳序惟君妹自同治己巳年于歸寒門相我堂弟德臣越光緒乙亥秋八月二十日辰時弟不幸以一疾棄世君妹年方二十五歲矣成服盡哀靡他矢志宗族鄉鄰嘖七稱之予慕其試爰命三子繼點承繼接守宗祧迄今妹年已五十歲矣君胡不序其略以爲我族

鄂氏宗譜

卷首下

四七

進賢堂

家乘光余曰否妹命不辰遭此危難既不獲如皮金剪字又不能似綵樓捐軀苟留餘生以立人世何足言序何敢言序張君從旁解曰吁慷慨植節易從容赴義難如君妹者自 德臣公去世後寡言笑絕妝飾事舅姑孝撫嗣子慈支持家務克勤克儉不憚艱辛似此心貞一點紙帳忘寒力荷千鈞羅衣耐冷真巾幗男兒香閨盛事也序固宜李君亦曰節者 朝廷所首重也君妹節操歷數十年如一日余蒙連城先生不棄納爲知己先生嘗爲余誦之胡不序李君且爲之贊其詞曰懿哉傅女乃相鄂宅年方廿五固守貞節志懷冰霜光爭日

月待逢 皇恩請 旌題額 余稽首謝連城命姪具紙
筆持墨硯促余一序不得已乃錄三先生之言以誌不
朽云爾

愚胞兄傅鎮藩謹識

鄂氏宗譜

卷首下

四八

進賢堂

慶春公暨李張孺人合傳

且人動曰學校中固多君子畎畝內亦有丈夫 余於媼
家 鄂君 諱明新 字慶春者思之竊嘆人言不 余欺也
君性誠樸心直爽行端方幼讀書誦詩長服田力穡其
偕家人以播種伴諸子以芸瓜不辭沐雨櫛風勞固也
而其孝父母慈子姪篤宗祊厚姻婭恭桑梓亦閭里周
知毋庸爲君異焉所可異者每與 余晤談及秦漢三國
事直不啻擲地作金石聲 余聞而訝之曰土田翁何竟
同書田翁也君應之曰此不過於耕耘收穫暇取殘篇
斷簡而青及之欲識略古名臣賢相與一切高人雅士

之行爲以爲藐躬寡過計術然後知其爲大丈夫非尋常農家者流倘所謂學雷山之耕以爲耕效莘野之耕以爲耕非耶然君之持身孝友治家勤儉處世和平雖其自具之良而內助之力居多焉 德配李孺人系出名門天生淑質三從四德無不素嫻問樊英疾答拜床前饁冀缺耕如賓隴畔至若操井臼勤紡績三更半夜不斷機杼聲猶其餘事耳夫如是內外咸宜倡隨有序易云夫婦和而後家道成可爲之占矣故螽斯衍慶得男五長繼乾次繼坤三繼會四繼正五繼登同受義方訓各習弧矢業或精於藝或善於貿從此置田園造屋

鄂氏宗譜

卷首下

四九

進賢堂

宇已可謂小康而藝貿兼擅其長者惟四子繼正倘皇天默佑得與伊兄弟同心生理行見興家立業克增宗族光奈何天奪其算今春即逝傷君之心失君之意天實爲之謂之何哉幸有二孫長志炳次志道君因格外愛憐諸伯叔亦頗見大義均能照顧孤寡惟冀彼蒼者天鑒君之忠厚氏之勤苦大爲扶持俾二孫淳立成才與諸孫砥節礪名克光門第伯壘仲簾大振家聲則君之心安氏之日暝即予小女之愁亦稍釋苦亦稍伸矣茲聞 尊族續譜因不自揣固陋聊述公及 德配之懿行筆諸家乘藉以永垂不朽云

光緒戊戌年孟冬月

姻愚弟邑庠生張炳益臣氏頓首拜撰

鄂氏宗譜

卷首下

五十

進賢堂

姻伯鏡清大人傳

歲在戊戌序屬季秋連城姑父偕茂山先生至余館中坐片刻余敬詢曰公是年肇修譜牒族大丁繁辛苦已甚公曰責無可諉勞奚能辭幸有半月間尚可成局余聞之不禁欣然敬頌曰修譜之事洵盛舉哉非特貴族昭穆序尊卑辨即族中潛德幽光俱可表揚譜首坊表後嗣以示千百世勿相忘公曰然旋命余曰我族鏡清係爾姻伯爾作一序篤戚誼情可乎余起而對曰學疏才淺 姻伯善行何能道其萬一然承公命固有不辭者竊聞 姻伯奉上孝待下慈按宗族和而不戾交

鄉隣平而不頗本原之地未嘗或虧抑又聞之曩日家事維艱勤耕種忍饑寒曾不以窮厄挫其志至中年棄農就商貿易中州跋涉山川備嘗辛苦矣幸生意昌倍獲利誠不敢私爲已見有顛厄則憐憫生遭窮乏則推解切至若桑梓行旅往來其間晏飲之款洽之禮意無不出人意表而且積金饋送毫無吝古人云疎財重義姻伯豈稍讓焉惜天子以富未嘗增以壽值癸巳年登仙膝下一子兆林甫弱冠姻伯隱念曰青年孤勢先業難守似有深憂者豈知前人貽謀善後輩繼承易兆林兄心平氣和幼年老成不圖一分外事不貪意外財

鄂氏宗譜

卷首下

五一

進賢堂

由是生意愈昌獲金數百造房屋制田園以爲前人光兆林兄善自經營莫非 姻伯積累所致由此思之是知有善於前者必有貽於後立志於後者必有光於前也余庸陋寡識不能即 姻伯實行善舉詳述而無遺而其所得諸傳聞者安能不津津樂道秉筆直陳登諸譜牒以傳不朽哉是爲序

媼愚姪邑庠生張師孔頓首拜撰

辛孺人捐資序

夫鬚眉之所以異於巾幗者以其有丈夫氣也而丈夫之氣求之鬚眉中尚不數覩况巾幗乎余今於同鄉鄂府辛孺人竊有以異焉孺人年及笄歸鄂相明喜公有賢能稱不數載遭折鸞痛遺一子數齡遽淹斃斯時哀痛迫甚族黨懼其不生共羅守之孺人曰勿爾吾之遭際乖命也吾命苦天也吾痛吾命吾不敢怨天而違天遂節哀順變勤紡織淡衣粗食以度殘生性純謹慷慨磊落樂從義舉族有爭矜事人喜往訴得片言即解遇有志營生而力不足者即解囊助之子母不其計始

鄂氏宗譜

卷首下

五二

進賢堂

終無驕態亦無德色同族憫其苦欽其行謀爲立嗣以延祀而孺人堅辭者屢既而席請宗族將所有房屋餘資捐作祖祠祭費共三百千即本房掃墓祀款亦捐五十千其行實事不慕虛名也如此噫孺人誠巾幗而鬚眉女中之丈夫也哉茲因貴族續譜懋軒先生命余一敘以爲其族之計私不計公者勸而吾謂並可羞愧近世之重資財不明大義者故樂得爲之序

鄉晚李子軒撰

蕭氏守節略

蓋聞之死靡他共姜有髡髦之誓中心不改史氏留刺面之文從來節孝女子播芳名於一世昭懿範於千秋者洵非易易也若我族節嫂蕭氏者即族兄諱明仕公之妻也于歸時家甚貧室如懸磬地無立錫氏處之若素毫無難色猶復事舅姑孝相夫子敬接族黨和其操井曰執箕箒更能勤而儉殆淵淵乎有古淑媛風越數年膝下僅生一女身旁未得一男奈昊天不弔癸酉年仕公往貿中州染病而去世嗚呼氏年將二十餘歲遭此險凶自泣命薄當欲樓頭捐軀相從泉壤賴伯叔姆

鄂氏宗譜

卷首下

五三

進賢堂

嬸力勸暫留殘生不獲所願自是松筠勵志冰雪盟心勤紡織節飲食母女二人相依爲命又歷十餘年女年及笄已字吳姓矣此際瑩瑩子立形影相弔在旁觀鮮有不疑其變初心而改素行者然而在璞之玉遭刖彌珍款冬之花經霜彌耀氏乃心益堅志益固支持家事不辭寒暑晝夜每至荒雞叫旦而梭尚傳機旅雁歸來而身不安席吁大厦獨支偏絃自奏其所以酬故劍者堅矣夫以氏所閱之艱難所歷之險阻誠不愧巾幗完人女中君子也迄今氏年六十有餘歲我族未獲請旌盛朝俾顯名於史冊能不筆傳家乘遺淑範於子

孫哉余不揣固陋聊寫數言以爲闡揚之一端云

闔族仝贈 族弟懋軒拜撰

鄂氏宗譜

卷首下

五四

進賢堂

敦坪先生序

鄂君敦坪家居永豐里與余村相按戶相比年相等往來稠密故於其行事見之熟而知之深少讀書長隨父習周公貿易中州自是店運興家道昌雖乃翁貽謀之善亦君持籌握算之勤也生平務實行事嗣父母也孝待同胞兄弟也和與友交不著炎涼態周人急不計錢穀數處已待人足爲人世風矣又性喜弓馬雖屢拔前茅未獲售焉故課子以詩書出就外傅時禮儀周至意以爲已不得志於武場子或可列名於黌宮也其尊師重道亦可概見矣甲午春余宦遊蜀省三載回籍家居

讀禮稍暇訪故人尋舊道越數百步踵其門登其堂烹茗數碗携酒一壺且飲且談於敝寒暄外而話敦本事謂我族我村落之多支派之分人丁之衆不修譜牒何以序昭穆而示來茲雖向立墨本難爲久遠計今連城兄與懋軒弟續修宗牒命予訪輯將族人生卒之年月長幼之次序姑筆之以待檢校余聞之不禁皇然起敬曰洵如君言提剛挈領固賴連城懋軒二先生之力而君爲清丁以助其勞捐貲以益其費不與有功乎言畢取全卷閱之見元元本本朗若列眉其中稱賢良者有人名節孝者有人始知家有譜猶國之有史

鄂氏宗譜

卷首下

五五

進賢堂

無非發潛德表幽光於無隱况君之種種懿行固非尋常所可及因不揣謏陋錄其事實以光家乘焉於是乎書

歲在戊戌貴州即補府經廳

愚弟蕭樹聲頓首拜撰

姻伯敦坪公暨唐老孺人序

國有史家有譜皆所以著懿行而示將來者也如媼伯鄂公敦坪老大人暨 德配唐老孺人非有懿行足著而可爲後世法者歟 公以商業起家握算持籌不讓陶朱然不足爲 公異也所異者公善理財而不吝財見寒者則解衣見饑者則推食予取予求稍瑕疵而於宗族鄰里之間尤爲篤厚是故鄉黨中咸以仗義稱之公氣象冲和聆其言一先賢之彝訓觀其服猶古處之衣冠迄今年逾七旬而精神矍鑠坐必端方古所云年高德懋者 公非其人耶若 孺人者謝世近十年矣

鄂氏宗譜

卷首下

五六

進賢堂

其母儀闈範 余雖未能盡悉猶得於見聞之餘略陳其概孺人出自名族溫恭柔順本於性成及主持家政克勤克慎數十年如一日其所以家道豐盈堪稱富有者雖由公之善於經營尤賴孺人之内助有以成之也 公與 孺人之懿行如此宜乎 公之年享遐齡 孺人之死且不朽矣喆嗣二長字章甫印全書品端學優望重儒林次子玉甫年少老成不幸早逝孫二長金焱次金鸞俱氣象不凡厥後之昌當未有艾也 楨不敏誼忝至戚因不揣固陋而之爲序

民國己未年季冬月

穀旦

姻愚姪梁上禎頓首拜撰

鄂氏宗譜

卷首下

五七

進賢堂

海山公暨張周二孺人合傳

慨夫人生斯世也其當躬之實踐不得記載國史亦當附詳家乘庶不與草木同朽耳若吾姑父鄂公號海山之爲人也歿世有年而懿行嘉言猶掛通人之齒頰孔由是溯 姑父生平之事蹟幼好學讀書得其大要即棄儒經商歷遍風塵而命與時違家道蹇落幸姑母操作自給紡績月集蓼茹荼而處之宴如人莫知其苦况維時兩表弟尚稚姑母即赴瑤臺而姑父之運會稍通絃斷復續又得周孺人之内助視二子如己出教養兼周長繼熙克紹箕裘之業次繼美奮志詩書 姑父

滇南貿歸頗獲利息置田園成堂構家道小康族人以其懇直秉公委以戶政而修葺祠宇理料公事畢慮殫精積勞成疾賓天之歲祖塋大樹傾頽是良木之壞而先爲兆焉乃臨終猶囑繼美毋廢學業豈知窮通數定終身一介寒儒不幸而家運顛連熙與美相繼物故迄今門庭寒落惟周氏與孀媳孤子在焉嗚呼天何不相吉人若是耶然而嗣延一綫天道好還或先靈佑啓後人尚可希望昌熾至姑父生平之概略不可任其淪沉僅即所知附詳梨棗庶乎其不朽云

愚內姪前清庠生張師孔拜撰

鄂氏宗譜

卷首下

五八

進賢堂

明貴公暨葉孺人合傳

聞之傳者傳也必其人可傳其事可傳而後秉筆者書之以傳焉若我族兄諱明貴者其人其事雖無顯異而其心亦在可傳之列有不得不爲之傳者 兄少也貧痛家道之不昌慨然有光大門戶志以爲游惰不可以圖生也故經營以謀富謀富不可以失道也故辛勤以立身立身不可以易節也故儉約以自奉行之有恒久久必振家聲光宗族矣惜年未三十而仙逝不克展其振興之志以伸抑鬱之懷此其設心之苦有可傳者也配氏葉孺人相夫子敬戎無違頗有賢助聲及遭大變

哀泣之餘亦慨然以撫孤爲念不因富貴動其操不以貧賤易其守家無舂宿之糧惟以紡織自給迄數十年無倦卒俾男女成人婚嫁各如其願今雖年逾六旬猶克勤克儉操持計算靡晝夜此其立志之堅又可傳者也茲於譜事告竣因筆之於書以傳云

光緒戊戌孟冬月

穀旦

族弟明 松懋軒謹撰

鄂氏宗譜

卷首下

五九

進賢堂

曉村和亭二公合傳

天下無不是底父母世間最難得者兄弟從可知處於父子之間止慈止孝處於兄弟之間宜友宜恭此人之常情也 壙因是而有感焉 壙生父 諱明燧 號曉村 嗣父 諱明烺 號和亭 乃親堂兄弟也 二公係生於同年同月 嗣父居少伯仲之間 壙篋疊韻棠棣之華 詩賦堪欣 少同學出入必共長同遊早晚偕行 泊後廢讀學貿商界 咸稱爲巨擘 至於仁孝友愛之德 宗族鄉黨無不瞻仰 矣惜乎 嗣父年未日強 即逝 嗣母葉孺人苦無子女 孑然一身 彼蒼者天 云誰告語 維時 壙之 生母李孺

人生 壩兄弟四人繼 壘居長繼坊次之 壩屬第三四名
繼 壙蓋以仲氏乏祀 葉母晝夜泣不孝有三無後爲
大壩生父見而憐之乃命 壩立房出繼以慰母憂冀以
噓已灰之燼而免伯道之悲聊盡孝思錫類之意耳廿
餘年幸生一男是不啻槁復振而枯復蘇由是老得養
幼得長亦可告無罪於祖宗矣詎料昊天不惠降此鞠
凶十數年間 壩之次兄四弟均染病亡父母與長兄亦
先後棄養嗣母又於小子志喜死後而謝世矣嗚呼從
前之伯仲濟濟一堂者而今安在哉惟長兄有子志官
僅存一叔一侄兩兩相衣伏冀 先靈不昧獨子多孫

鄂氏宗譜

卷首下

六十

進賢堂

俾得兩房明祀勿替於萬斯年也今歲春族中諸賢五
修宗卷因思 二公之立身大節與夫所以教養愛子
者自愧無以酬恩於罔極略誌梗概云

時在

民國三十五年歲次丙戌春之暮

男繼壩謹撰

贈督修茂仙先生序

昔孔子論定達孝曰孝者繼善人之志善述人之事者也夫繼述在帝王志事顯明而易見若繼述在士庶志事隱微而難彰惟纂修宗譜始於繼述之道為近是然志不堅者中畫學不宏者易訛必有忍有容乃克有濟吾族武昌之譜時丁四續春秋族推茂仙先生為督理是誠能善繼善述者明知所舉得人焉憶今仲夏先生採訪至羅臨雙鳳廟明之學校酒闌燈炮之下傾吐生平真誠篤實及冬明詣宗邦族人咸嘖七稱先生之品學以是知先生幼嗜詩書長飫經史博通墳典

鄂氏宗譜

卷首下

六一

進賢堂

貫穿古今惜奮志螢窗未獲才展驥足徒寄情山水設帳閭里然子弟之負笈從遊者擬諸狄公桃李族黨咸濡其教澤且襟懷磊落品概詳明以布衣而傲王侯望儀表入拜下風不戚戚於貧賤不岌岌於富貴敦詩書說禮樂舉斗酒輕千金彬彬儒雅士也至族有牙角得一言排釋瓦解冰消所謂國有治人而庶事康家有治人而戶政理先生之於戶族抑又綱維者多矣惟先生所歷之境絃續仍斷內助無人而階下芝蘭一枝挺立觀者以為門庭寂靜指使乏人未免力竭神疲心為形役乃先生之精神卓越英敏過人獨於譜事概任

見誠才識素具人皆辭其難而能勉任其難者蓋平昔於孔子世家傳司馬遷之史冊歐蘇朱程之宗法歷歷講求故着手易而縷析條分不似窮愁著述者比幸數月脫稿付梓刊刷而漏者補散者合略者詳以及士行婦節祠墓村廬生卒葬娶無不贅焉其德光前人功垂後裔者不亦偉哉噫前乎此者典型已往後乎此者文人猶待承先啓後微先生其誰歸歟繼述之孝先生殆庶幾矣况明祖自遷羅以來音問久疎鄉關迢隔雖曆傳廿世幾等雁杳魚沉得先生與育齋二公搜採始聯族誼非推仁孝之至誠明收族敬宗之大義者孰能

鄂氏宗譜

卷首下

六一

進賢堂

若是乎明與先生籍睽武羅而輩係祖孫因不揣雕虫略紀生平之梗概是爲序

民國庚申

族姪孫景明敬撰

羅麻戶族同贈

痴𦉳先生傳

先生諱淞字懋軒晚年亦自號癡𦉳子異哉先生之命名歟考之於經痴𦉳等字似屬僅見嘗讀史至前漢韋賢傳有曰今子獨壞容貌蒙恥辱爲狂痴後漢高士傳侯君遣使徵嚴光光曰侯君房素痴今不癡耳晉書王湛傳有湛有隱德人皆以爲痴之語是皆以人爲痴未有自道其痴者有之則自先生始嗟乎先生其有遐思乎慨自時世之多變也智者投筆而起勇者攘臂而爭囂張氣燄視天下而莫敢誰何至才力綿薄者亦依黨附勢歡忻鼓舞恣其愚妄之志詡詡然不屑安於

鄂氏宗譜

卷首下

六

進賢堂

無事之天當其弄權詐角雄豪偶遂所欲未嘗不稱快於一時及力窮勢蹙興盡悲來憾慨係之怨謗隨之甚至刑戮刀鑄及之反不如碑礪之石拳曲擁腫之木得以老死巖穴終其天年免爲世俗所詬病也先生是以默默守吾痴邇年以來寧靜淡泊較昔尤甚即鄉黨交遊之地

先生足跡亦不多見惟留心典籍凡醫藥卜筮之書猶披覽弗倦焉肆志烟霞凡深山密林之中願結廬而居焉歲以後學承先生下交嘗至其講習地明季隱君子王竹塢之故里也背山面湖風景殊佳木蠹匕而叢茂

石參差而錯列甘泉古寺映帶於其間幽邃雅靜曾不
減箕山潁水之風 先生曰吾之心寄托乎痴吾之痴
則寄托乎此歟

民國庚申年仲春月下浣

後學陳全 歲照堂氏謹撰

鄂氏宗譜

卷首下

六四

進賢堂

痴呆子傳二

癡呆子姓鄂號茂仙余戚友中醇謹士也固世風日降
羣尚智術奸詐 先生雄不隨波逐流遂自以痴呆命
名焉先生質穎悟幼嗜學故於經傳子史無不淹雅賈
通其發爲文詞古峭雅豪無一語寄人籬下當時都人
士莫不以大器期之奈數奇屢試終未邀一矜之榮惜
哉然先生原不以此介懷也自是絕意進取精岐黃業
北遊燕汴西至漢皋沿途活人無算有饋謝儀者先生
却之曰良醫醫國吾術僅能醫人胡以謝爲久之歸爰
明處士王竹塢故址即館於茲雖名授生徒實則靜養

淡泊自適守正不阿精明悉藏於渾厚中焉但性好爲詩有所感觸間邀二三知己相與聯句次韻以樂猶好地理有時沉悶則尋山問水游不論地宿不擇主往返不限期必興盡而後已此外無他嗜好痴呆子之大略如此余是以傳

民國庚申年

姻愚弟李遇龍雲峰氏拜撰

鄂氏宗譜

卷首下

六五

進賢堂

附^{痴呆}四十自敘

竊以干將鑌鉞藏匣底則無鋒琬琰璠瑜韞櫝中則不貴物猶如此人何不然是以白也才齊天且具職荊州之願退之學潮海亦頻上宰相以書賈誼謫而長沙坐嘯屈原放而澤畔行吟潘岳家風閒居有賦陸機祖德述先紀懷庾蘭成爲江南哀祇算生平自敘司馬遷作世家傳不嫌梗概縷陳諸凡此類筆不盡談僕幼忝妙隽之名時竊鄉曲之譽世未曾貽樗櫟譏自亦不屑葑菲待遭家不造伯氏蚤亡遇事多艱母兮勞苦家貧親老讀不成有用之書食少事煩怪受累無妄之疾加夫

絃絕綺桐賦采蕭之不見因是詩留紅葉訂穠李而來
遲左右就養之無方志氣消磨於一旦遂使五鳳樓咸
化作七寶妝而十段錦歸製成一枝筆矣弱冠無成壯
懷堪憫學書學劍精於勤旋荒於嬉爲士爲農勞其心
更竭其力朝秦暮楚誰能佈功德八方柳往雪來無非
爲饑寒兩字此阮籍所以起失路悲楊雄所以創逐貧
賦也逮先王蒙塵之歲光緒庚子適我父謝世之年
國家多難時事難言弱弟則剪桐爲戲有子曰負薪未
能五月居廬痛夫椿枝榮落三年自艾忽焉萱草色枯
於斯时也百憂繫念萬事勞形嗟春暉之莫報歎天道

鄂氏宗譜

卷首下

六六

進賢堂

其難論幸而蒙童求我家室宜人植桃李於園中三十
有室長苜蓿於欄外卒歲無饑用治法可以治人遠紹
傳薪孔聖慕爲醫等於爲相兼學賣藥韓康遙道自得
寵辱不驚斯亦淡富貴之懷覽止足之分而拙於用多
巧於養晦者矣不圖孽鏡未融蝎磨交并蠖爲屈不獲
龍爲伸臬入境更兼鵬入座始瘁田真刑樹既沾杜氏
寶田慣炊厨中白張瞻歷歷夢凶遂拋掌上珠杜甫依
依魂斷鏡花水月締因緣蛇影杯弓摧肺腑肚腸裏多
擱淚痕眉睫間殆無生氣魯酒無可解憂之用胡音盡
不入耳之歡时也命也天乎人乎吁嗟已矣爲之奈何

是歲己酉其月乙亥小陽春節上九良時惟 皇夢辟
諒陰之際宣統元年值僕懸弧強仕之辰恨無緣分奪魁
讓嶺上梅花笑我幸有骨肢能做喜籬邊菊影親人見
惡則猶難免不惑則恐未能擲八五數之春秋論才莫
能傾座歷廿四旬甲子籲俊誰爲闢門有恥無聞非復
似後生可畏無才不仕卻正爲老大徒傷瞻北斗之延
齡莫酬高天厚地嘯東山以寄傲不忘敬梓恭桑爰格
爰誠是烝是享虔爇清香祀長生之壽老還酌大斗冀
錫福於天官更焚楮以報親竭誠盡敬且杜門而謝客
息交絕遊此大丈夫不得志於當時無所爲而不可者

鄂氏宗譜

卷首下

六七

進賢堂

嗟七堂簾路遠寧戚扣角徒歌車笠盟寒貢禹彈冠奚
待伯仲之間填篋器異幃房以內琵琶事非子未克家
萬卷圖書情誰守女猶待字頻年針線爲他忙五倫地
埋頭喪氣撫身亦大可悲終間日弔影悼形問世那堪
告語如病如癡如狂如醉繪不出此際真容自南自北
自西自東又未知明年何處捧壺獨酌拍案高歌

歌曰

天地生人兮太倉一粟人爲形役兮得隴望蜀胡我珍
藏兮無榮無辱待價而沽兮有美如玉
鳳集高梧兮鶴巢有松風生嘯虎兮雲亦從龍我適安

歸兮知己不逢恨上眉兮涕沾胸
流光邁兮四十春秋風肅肅兮誕生辰遭遘陽九兮天
怒余身明發不寐兮有懷二人
焚香默告兮彼蒼天雲程萬仞兮問前緣可許展生平
之志兮恨海石填俾伴免優游以適性兮聊歡娛予之
暮年

鄂氏宗譜

卷首下

六八

進賢堂

新甫公暨陳老孺人合傳

民國三十五年歲丙戌予館於復興鎮適有契友鄂君
時庚來校謂我族五續宗譜已付剞劂行將告竣囑予
爲 二大人傳自維學識謏陋固不能文第以公與
孺人之德能亦宜闡揚表著以誌不朽又安敢以不文
辭按 公號新甫聞其事雙親溫清定省無少間出告
反面無或怠里黨咸嘖匕稱道不已子五長繼綽次繼
繩三繼綬四繼緇五繼緒皆磊落有奇氣讀者讀耕者
耕工者工商者商迥非尋常四民可比是非 公之孝
心純篤有以獲其報歟至經營商業以義爲利見世俗

計錙銖飽谿壑者輒恥之其幹濟能生財其襟期亦能
疎財遇友人有蹇難時遂解囊相濟無吝色僉云此賢
易中道義人也德配 陳老孺人母訓夙嫻克從 公
志持家井井有法終其身衣不衣帛飲食惟適口而已
然遇戚族有空乏者賙濟無吝容泊乎暮年而精神尚
健教後嗣以勤苦雖古之畫荻和丸不是之過宜乎子
孫林立家世日益昌熾洵所以彰 孺人之淑德也予
是以合表之而樂爲之傳

時

民國三十五年歲次丙戌仲春月之中浣

穀旦

鄂氏宗譜

卷首下

六九

進賢堂

武昌中華大學法律專科卒業生張炳文敬撰

先父新甫公暨慈母陳老孺人行述

人讀聖賢書不能成名立業俾先德昭於國史僅於家乘傳之者誠非父母屬望人子之本心也雖然父母即不僅以此屬望之於子而爲人子者既不能彰先德於國史又忍能不傳之於家乘乎此綬所以難因謗陋而不能不述也 父昆季有三序居少聞髫齡時頗有志於詩書以 祖父與 大伯父客貿江北 二伯父志奮青雲 祖母在堂事畜猶虞不給即降志廢讀而就商經營籌算之餘猶手不辭卷口不息誦筆不停披迨母氏陳老孺人入相後慶逸未得 大伯父以病逝

鄂氏宗譜

卷首下

七十

進賢堂

父之雁翼有失 祖父母年邁 父之喜懼交加勞其筋骨苦其心志莫可言狀雖其間綬與長次二兄均先後出世四五二弟相繼誕生不徒無快意處食指漸繁生計尤重益增 父母累維時 祖父母均棄養生意亦停業 二伯父又析居綬 父幾度悲傷幾度挫折屈指難數復念大伯父無嗣早逝乃命次兄繼繩承之又以六房明亨之祀遠遊亦命五弟繼緒繼之詎料家齊未竟慘限頻來於民國丙寅冬長兄繼綽亡 父因是悲痛逾恒由傷致疾至丁卯四月三十日竟赴玉樓之召葬道長蚌之原此綬 父畢世之艱辛痛苦也綬

於失怙而後二弟尚幼均賴 母氏教養越三年次兄
繼繩與次嫂黃氏又相繼病亡去歲暮室人王氏亦逝
此情此景不忍回思此憂此痛屢傷 母心猶幸次兄
有子志放志敷綬有子志孜五弟有子志敬志教繞膝
尚可騰歡含飴固足自娛然均屬幼稚靡不有致 母
氏勞苦且 母於教養兒孫輩之餘暇兼料理兒孫輩
之衣食年晉七旬顧覆之日無多憂慮之心更遠乃命
將志放承繼長兄繼綽志敬承繼四弟繼緇此綬 母
生平之慈惠莫釋者也茲值族譜五續均一一記載謹
遵 母氏之命聊慰 父兄之靈綬自愧徒讀父書姿

鄂氏宗譜

卷首下

七一

進賢堂

質愚鈍未能光耀門庭僅即 父母生平行誼敬書以
述之他如遇情之譽溢美之詞皆抑而不敢陳者懼褻
也

民國三十四年歲次乙酉仲冬月

不肖男繼綬謹識

明璋公傳

善參軍八載奏凱歸來兒童笑問何鄉客親長慰詢沙場苦躋七盈庭藹七相親翌日僑黨姻戚來訪徐來青秀者容貌魁梧氣度彬彬相見不識善兄指向余曰此即汝侄壻也禮畢詢其操執兄代應曰彼乃鄂親翁諱明璋之三子業儒今春伊府續修宗譜乃父命負勩勩繕稿校讀之職盡尊祖敬宗之責并敘及璋公生平原委家庭情况善聆自忖不禁悚然愴欣然敬焉聞璋公性忠厚行樸實誠懇待人不失幽風兼業圻雖勞無愧有子四長繼昭從戎出外次繼全技藝精巧三繼

鄂氏宗譜

卷首下

七二

進賢堂

耀精通詩書四繼奎業務農商孫枝林立均徇正義安正業無愧於心無害於世而善以一介書生棲七公食抱愧良多尚不能如其踐實自安不亦愴乎且善讀書嘗聞大舜耕歷山擢居九五炫耀史冊韓愈傳王承福足警世之患得患失貪邪亡道以喪身者善雖無修史之職韓愈之文慨近時民生凋敝果如其事無大小負責安業以阜物則富庶可望也風俗薄瀕倫常乖舛果如其教子敬宗親睦九族則平章可期也系派紛複果如其家庭整齊上下一心則郵治可待也是皆足以爲當世人所共欽慕也已善能不欣敬以爲傳歟

民國三十五年歲次丙戌仲春月下浣

穀旦

姻愚弟雷明善復初氏敬撰

鄂氏宗譜

卷首下

七三

進賢堂

贈協修育齋先生序

吾族 連城公江夏之庠生武昌之名宿督修宗譜主
治戶政典型雖往模範猶存明竊聞之而未及親見不
無憾焉者幸而今歲仲夏 茂仙 育齋二公訪譜至
羅達明之私塾歷敘收族敬宗旨意接談之頃 茂仙
公呢七言曰 育齋即 連城公之長嗣也性情渾樸
志行端方承先代之楷模守家庭之詩禮直不愧園橋
哲嗣矣况夫秉戶政者有載而族間子弟有不率教者
莫不嚴爲董治今歲譜屆續修又竭力協理是能繼先
君之志而無忝所事者也噫 茂仙公略述梗概明竊

敬畏而親愛焉且以尊祖敬宗之至意而遠訪旁搜由
麻至羅不辭險阻使我支散而復合睽而復聯皆二
公造之也方是冬明造先生之廬竊見第宅恢宏門庭
肅穆先生之子嗣儒者執經以受教耕者負耒以橫
徑營貨殖者倍有長才理家務者善爲籌畫大啓爾宇
可翹首而待也至於先生之篤於仁孝而推廣親睦我
祖知之益當有以佑啓後人明寡聞鮮知僅識先生
之大略而嘉言懿行自有善爲詳述者是爲序

羅田族姪前清貢生景明敬撰

民國九年庚申孟春

并書

鄂氏宗譜

卷首下

七四

進賢堂

育齋先生續修序

吾鄉有志士焉姓鄂名煦號育齋余之世兄誠善繼述
之孝子也余自前清丙申年受業於令先君連城夫
子門下時相往來其得悉生平焉先生幼讀書穎悟
過人遭際不辰致中道廢遂作商賈於漢其先世本素
封自高祖及祖若父代領戶事貴族前經續譜者三令
先輩已任總理者三及先生之身族中仍以戶政推舉
先生肩任弗辭因於客歲重建祖廟今年四續譜書意
念先君昔理譜時於採訪稍有遺漏欲及身修補其缺
乃與尊族茂仙公磋商席請族中父老提創此舉賴

熱心襄助者衆得償其願比時告廟遠遊至麻羅黃圻
並本邑遐邇等處不令稍有散失焉維是時臨仲夏炎
帝司令所越盡崇山峻嶺所涉皆澗溪沙流雖步履維
艱未敢萌退志必達到日底而後已幸沿途獲天然遇
合搜羅得切實本源此又何莫非尊祖念其忱而默爲
呵護也耶迄今編輯成帙不惟 先生之素志已成而
令先君亦增加榮譽矣 余敬之羨之因搜索枯腸成數
語以爲先生序

民國庚申年孟春下浣

弟李瓊玖子軒氏敬撰

鄂氏宗譜

卷首下

七五

進賢堂

節婦鄂蕭氏紀略

鄂蕭氏鄂君繼先妻也年及笄歸鄂精五飲冪酒漿養
舅姑縫衣裳事事克謹門閨修鄂君家世農事相夫子
晝饁於田相敬如賓夜績於室篝燈勤課夫唱婦隨洵
所謂琴瑟友鐘鼓樂矣歲丁巳鄂君病氏侍湯藥不離
寢無怠志無惰容泊六月鄂君卒氏猝遭大變日夜泣
目盡腫咽無聲勺漿不入口者纍日戚族憫其毀咸勸
慰始節哀少進食間理家事焉賴天眷顧是年嘉平月
旬九遺腹子志垠生於是氏乃輟涕爲欣幸所天有傳
子竭力撫育以養以教至於成立時家道窘事畜維艱

自氏立志田不石杼不惡癘不侵作不戾默計兼權秋
毫皆氏力也迄今家素封矣子克家矣孫林立矣而氏
則已皤然老矣然猶精神矍鑠指顧不遺餘力焉故值
尊裘之成謹述巔末以待後之秉筆者採焉
光緒戊戌仲秋

清優貢生賀嵩毓頓首拜撰

鄂氏宗譜

卷首下

七六

進賢堂

厚菴兄暨劉潘二孺人傳

己亥七月之望真寂坐神疲偶就枕俄見一衣冠客來
近榻向余曰子亦知君子疾歿世而名不稱乎亦知丈
夫不能立名於朝亦當傳名於家乎言訖飄然而去予
亦神驚訝駭無何鄂君懋軒來談及伊族續譜並爲
姻兄厚菴索傳真始悟夢中客乃姻兄厚庵之靈也
自愧無才不能闡揚幽隱然而誼重情長責又難辭因
即真所知者略陳之兄總角時貌奇特氣宇軒昂天姿
明敏過目輒不忘同治癸酉之歲張立軒夫子館真家
兄負笈來游同窗共筆硯者五年又五年復偕游於左

宜之夫子之門亦越二年蕭鵠峰夫子設教兄祠真又
就學締交深聯姻重真固信兄之心地厚也尤憶兄爲
文才思敏捷詩賦尤工一時頗擅美譽於士林惜乎運
多艱試屢蹶甲申院試雖招覆未售厥後更潦倒場屋
莫得一吐氣揚眉由是淡功名志出聰明才力精習岐
黃不數年濟世功多妙手之稱遍里閭使克其永天年
則良醫之名亦未遑多讓於良相也胡修短有數竟於
丁酉二月二日羽化登仙而作玉樓客噫天實爲之其
又何尤德配劉孺人擅賢良稱早逝遺一子志伸繼配
潘孺人亦名門淑媛溫柔敦厚生子四女二真意兄既

鄂氏宗譜

卷首下

七七

進賢堂

不壽天必啓後人寢昌而寢熾也乃兄卒未久潘生子
女以次淪亡後數載志伸亦死而兄之禋祀竟斬迄今
人往風微其音容真猶彷彿遇之謂兄爲無知也彼固
明明示我於夢寐間矣謂兄爲有知也胡不禱於天請
於帝而俾留書香一綫之延也耶真今體兄之靈遵先
生之命特誌兄於不朽云爾若謂作傳實遜謝不敏焉
姻愚弟許有真鳳洲氏拜撰

性誠先生傳

嘗謂不以成敗論英雄而以事業定人品 余始以爲異
今以爲然若族兄 性誠先生姿明敏性豪俠幼時家
境饒裕與君子遊不惜肥馬輕裘與共遇涯泚境勢將
傾囊倒戟爲義處約不示寒酸間或公食雖未能放勳
敍銓勇爲氣概良善策略不讓名倫誠丈夫也當辛亥
革命武昌秩序紛複又能維大體持正義統率壯丁捍
禦橫逆我鄉未罹恃強凌弱殺人越貨之非者皆其力
也迨年晉五旬孝悌之心油然而生矣督理戶事重修祖
祠尊長扶幼恤孤憐貧啣恩荷德者屈指難數桑梓之

鄂氏宗譜

卷首下

七八

進賢堂

念勃然興焉曾任鄉政淳風敦俗勉力奉行尚不足爲
異值漢洪浩蕩水災奇薦嘗代華洋義賑會散糧食饑
擢澤國之災解倒懸之急其疎財仗義造福邦家所謂
不以成敗論英雄而以事業定人品不其然乎今 余族
家乘五修告竣故紀其實以傳不朽云

民國丙戌

族弟時庚撰

文堂先生傳 并序

晚籍湘家嚴商漢得識鄂公 諱繼鑫 號文堂先生久敬
相交意氣相投始與先生夥貿武昌水陸街雜貨生產
互理事務不辭勞苦有所取求不爲瑕疵殖貨財億屢
中同受豐裕之益慨 晚家嚴逝矣國難紛然避亂復歸
敬謁父執靚 先生年紀蒼邁精神矍鑠請訓話言中
敘及 尊族續修宗譜 晚不禁索然自忖若 先生之
碩德不得不爲之序然 晚一介商人愧無文以盡闡揚
之力僅將所見所聞略綴數語以附簡末
先生心穎悟性純篤講孝友循禮義廢學就商精明過

鄂氏宗譜

卷首下

七九

進賢堂

人同業莫不以大器目之主立商場籌算有方始終以
義爲利厥後生意起色狀況裕如置良田構安宅不吝
錙銖以薄人教子侄應施舍洵從豐厚而約己乃 晚嚴
傳訓以聞之嘗爲戶正矣不浪耗公費而使有餘積嘗
長商會矣能協進國政發展市場其公德不亦尚乎且
私德亦云得矣天倫敘長幼各循其規內治嚴男女各
正其位哲嗣作商場之巨擘孫輩受深高之教育一堂
和氣藹然可親將來發祥未可限量即 晚目見而崇拜
者也是不揣簡陋直書以傳之

時在

民國三十五年歲次丙戌仲春月

世愚侄易隆炎榮廷氏拜撰

鄂氏宗譜

卷首下

八十

進賢堂

元圃先生序

大凡有美不彰志士所不忍也有善不傳仁人所不安也余與鄂君敬丞友得悉尊大人諱元圃先生者秉性和平賦姿忠厚生平可法可傳之舉不一而足蓋其事父母也孝其聯手足也和其接鄉鄰也厚其課子姪也以勤儉其處家務也以公平人恒稱道不衰者久之姑不具論矣若夫督修宗祠不憚艱辛續修宗譜不辭勞瘁甚盛舉也是皆人所難爲事惟先生孝弟之心油然而生而卒不畏其難竟爲其難知敬宗莫大於收族收族莫大於修祠續譜也是非克庇根本者不能

有此舉也是非重念宗支者不能有此舉也嗚呼可謂難能而可貴者矣且其性嗜詩書至老無間期望後人時加策勵見有天姿聰穎堪稱造就者不惜延師課讀費資無吝教其子然教其孫尤然迄今桂子芬芳蘭孫茁秀一門之內代有名人則異日鄂氏之興正未有艾知無非先生有以啓之也而如先生其人者不洵有美可彰有善可傳哉竊先生足以傳惟余之文不足以傳先生益滋愧矣余也忝列葭莩知其尊乘告竣用抒俚言以付剗劂因不揣固陋而爲之序

時

鄂氏宗譜

卷首下

八一
進賢堂

民國三十五年歲次丙戌暮春月之下浣

穀旦

姻愚姪蕭具瞻介藩氏敬撰

陳孺人傳

處泛決橫流之世而能保天其真者必奇士也臨離別存亡之秋而能全其名節者必烈女也如此我鄂氏得一人焉曰陳孺人即族兄諱繼壺號虞菴之妻也當其年笄歸我鄂氏孝以事翁姑敬以事伯叔相夫子必敬必戒奉長上必信必恭睦鄉鄰和妯娌勤勞操作無怠忘無難色不料昊天不弔降此大戾年逾三旬而虞兄遽殞遺有雛兒志官尚在襁褓嗷嗷待哺縱有伯叔終鮮兄弟零丁孤苦亦爲己甚乃孺人晝夜泣欲殉以身眷念孤子無依哀躬撫養乃從事勤紡織作傭工手

鄂氏宗譜

卷首下

八二

進賢堂

胼足胝夏暑冬寒靡寧晷其無異柳和丸荻畫香出作入息身凍腹餒不暇計希望光門閭綿禋祀耀祖宗繩繩繼繼賴以終餘年也然苦心人天不負前時稚子今慶已成人矣椒蕃飈茂有望矣承先啓後有待矣孺人之心益慰自顧無慮矣年晉七旬因過於勞碌未加慎防將足跌傷行動不能自由而精神尚屬矍鑠其顧慮兒孫之心猶未已依然紡績縫紉不輟若孺人者洵我族巾幗中不可多得也茲值闔族五續家乘之際亦即族人表潛發幽之時自愧不文無以爲誦僅即孺人之事實直書以傳之

时在

民國三十五年歲次丙戌仲春月

族弟时庚氏撰

鄂氏宗譜

卷首下

八三

進賢堂

时庚先生序

省脈迤東數十里曰九峰結竇蓋石門獅子象鼻丁官
大王蟠龍馬驛陽邏又北行數里曰它子店山環水抱
人烟湊集公路聯絡交通暢達鄉政維持秩序安謐以
故商賈者皆願立於市廛矣余因公務時相往來得悉
與店界連左白羊右卧虎面對稽龍座依鳳凰祠宇巍
峨村莊聯接 鄂氏之居第在焉考 鄂氏自居斯邑
土地豐腴人才秀麗代有名賢筆誌難盡僅即久敬相
交情投意洽者得一人焉名时庚亦號詩賡醇謹士也
其事親孝待弟和性穎悟擅吟咏短言語寡色笑沉靜

溫和心情慷慨交遊雖廣境遇不良淡泊以明心杜門而謝客先擅儒林文章之著作頗佳後列商場生意之經驗久著惟以時運不齊命途多舛近數年來迭遭坎坷去歲季冬絃告中斷先生亦處之晏如自抱隱憂於命運而不流露於言色其處貧賤若固有視富貴如浮雲謂非毓秀鍾靈胡爲而有斯人歟余愛之慕之敬之羨之久欲傳之而未得今先生承先人烈續族志昭示將來知他日繩七繼七必更大有人出矣余以先生之實與地脉之靈卜之益信而有徵故序

時在

鄂氏宗譜

卷首下

八四

進賢堂

民國三十五年歲次丙戌仲春月

穀旦

同邑弟談光材維楚氏撰

仰之先生傳

先生姓鄂氏諱志高號仰之爲前清邑庠連城老夫子之孫公子聞幼讀書姿質明敏以環境窘迫棄學就商經營締造頗獲裕如一時慕名景仰者有酒盈座滿高致家嚴與之交遊道義切劘久而彌篤由誼訂蘭譜而契結朱陳瑞霖遂得蔦蘿施松柏親炙就正往來啓迪眷顧維殷常見公經理戶長事上撫下長幼內外靡不肅如復循七善諭族中人有以是非質者必反覆執理斷之或怒呵之故行不義者勉力勸之又見公維持鄉黨急公踴躍交道接禮尤以慷慨豪雄時獲鄉曲

鄂氏宗譜

卷首下

八五

進賢堂

之譽卜以公之德保艾孔長矣德配趙孺人性和順心仁慈賢惠聲稱鄉里無間言生子二女二婚配嫁娶咸宜厥後蘭芬桂馥光耀門庭可待矣瑞霖愧不文未能表潛德發幽光茲值尊乘告竣僅即目覩者援筆略誌以傳之

時在

民國丙戌仲春月

愚壻郭瑞霖拜撰

雲軒先生序

余纂輯宗譜攷先人之文獻察今人之賢能採同人之功績敘及志大字雲軒竊有感焉雲軒係連城公之孫育齋之子也顧乃祖連城公邑庠生也采芹而後不慕虛榮敦崇倫理慮先世墨譜恐不足分守而壽世戊戌年創修信譜序昭穆列尊卑定家規擬凡例法式正確文字燦爛情理周達其殫精竭慮非孝子仁人所可及逮者哉乃父育齋雖學而未成品行端方氣質清雅已未年我譜四續曾隨茂仙公親訪羅麻各支只顧敬宗收族之義不憚跋山涉川之難收而聯嘗加攷慮玉

鄂氏宗譜

卷首下

八六

進賢堂

其成亦與有力誠如是也孝思維則抑將爲公言也今雲軒一介商人性情直爽識見卓犖寄跡市井猶明大義前年闔族公推爲族正管理戶事共承祭典去年秋祭祖受胙而後公提宗譜五續彼首爲贊許統率房長斂費舉選賢能編訪不數月而告竣賴一臂以事成度其德力孝悌之心油然而生矣繼承之志不無有焉噫嘻孝行至德自古曾閔最著僅一二世錫類而已若夫三世旋因孝思不匱復乎尚矣當茲薄澣之世猶見醇厚之德雖不能昭國史垂不朽而於家乘詎可不傳以鼓勵孝子賢孫旅踵而來以光門庭也哉是爲序

時

民國三十五年歲次丙戌仲春月

穀旦

瑞卿撰

鄂氏宗譜

卷首下

八七

進賢堂

雲軒先生序二

祖宗者子孫根本也子孫者祖宗枝葉也根本固然後枝葉茂祖宗強然後子孫盛古今來歷亾不爽也吾鄉鄂氏望族也聞其先之在茲土者名士如林衣冠濟濟代傳弗替未嘗不嘆家風由來遠矣 鄂公諱志大號雲軒先生者余世伯也雖托業貿易立心公平居恒不立崖岸亦不肯寒燠因人其事父母以孝其聯手足以和慨然念其族之在茲土者人丁浩繁恐宗譜失修則族之渙者不能使之聚離者不能使之合愈傳而愈遠愈遠而愈疏鮮有不姬姜其姓秦越其人將何以尊祖

將以何敬宗更將何以收族乎惟是商及族之賢者討論此舉羣躋其議先生舉行採訪不辭勞瘁將以前生歿宅瑩詳載清晰則祖宗雖遠尊敬之意瞭然可解子孫雖繁孝弟之心油然而生不洵足炫耀閭里增輝家乘哉茲當譜已告竣而余誼屬世交自愧不文妄陳鄙句藉表 先生之懿行聊附簡末以盡意

民國丙戌暮春

世愚侄魏光義繩武氏敬撰

鄂氏宗譜

卷首下

八八

進賢堂

敬承先生序

國有史紀懋績也家有乘錄懿行也凡人有可法可傳之舉不當流傳後世永誌不忘以耀閭里而光家乘也耶鄂君號敬承余親家也積學有素氣宇深閑其面貌則雅雅魚魚其文章則炳炳朗朗鄉鄰皆以國器目之曩者余嘗延至其家教讀頻年見君篤志芸窗力圖進取每於課餘之暇刻苦自勵手不釋卷識者益知其非池中物也迨民國丙子歲攷入省立鄉訓學校屢拔前茅名列優等畢業後爲當道所賞識委充鄉長要職造福桑梓有口皆碑由是鴻猷丕振青雲直上非仅所謂

輝閭里光家乘已也其孝以事堂上和以聯同氣周急
憫凶規過獎善恂匕然有長厚風昂匕乎有丈夫氣豈
非士林之君子鄉曲之仁人乎茲當尊乘告竣付梓有
期不抒管見不足慰余之渴懷妄以雕虫不能表君之
潛德未取揆藻擒華大展江郎之筆不妨描頭畫角竊
效西子之顰聊作俚言以爲君道其巔末也於是乎序
民國丙戌

姻愚弟許超凡敬撰

鄂氏宗譜

卷首下

八九

進賢堂

宋孺人序

孺人鄂公志昇之德配也余與朱陳比隣時相往來因
識其哲嗣懋華久敬相交每踵府必暢談親戚情話始
得知 孺人略歷聞 孺人年笄歸鄂事翁姑孝順有
道相夫子敬戒無違侍奉箕帚勤操井臼深悉閨闈之
範頗擅箴則之風不幸於民國丁卯年 鄂公逝世斯
時也 孺人年方三旬餘懋華事仅十零四堂上二老
尚有姑在己成風中之燭膝前三子次三俱亡僅遺髻
齡之孤失天之痛搶地之悲幾欲身殉而不得故強留
未亡之身苦代已亡之責仰事俯畜集蓼茹荼出作入

息手胼足胝無時不在愁中無日不在泣中嘗含淚言
曰天果福善必有光明之一日或能苦盡甘來也乃操
冰勵志和丸教子其苦心竭慮直駕鬚眉而上之宜乎
鄉黨稱道弗衰今者懋華氣宇不凡剛正不阿英雄之
概可望少年非孺人之德報耶嗟乎於茲薄灘之世
頹敗之風不知賢烈爲何義求一樹立名節如孺人
之可欽者百不一覩余於課讀之餘攷孺人之潛德
幽光有關世道堪爲世鑑能不誌之壽諸梨棗俾流光
餘澤可以永垂不朽歟是爲序

時在

鄂氏宗譜

卷首下

九十

進賢堂

民國丙戌春之暮

鄉愚晚方慕陶敬撰

宋老孺人節序

世之最難全者節也然有奇節有名節有苦節焉綵樓捐軀之奇節柏舟自賦之名節亘古尚矣當今薄瀛之風於苦節亦不多覩有之其惟 鄂母宋老孺人孺人出自名門及相 鄂公志昇敬戒勿違孝翁姑和妯娌奉箕帚操井臼未嘗有忝內則也孰意天不佑善凶禍突至年逾三旬 公即修文於地下斯時遺有三子均係嬰孩 孺人既痛所天頓失復而幼稚無依乃隱忍留軀侍姑撫孤積紡織之金解家庭之困其間幾經勞苦幾費心血矣善人天不負乃事情之常胡竟反其常

鄂氏宗譜

卷首下

九一

進賢堂

不數年次子三子相繼夭殤嗚呼天降禍之酷何如是之烈耶在他人靡不變初心越素志者 孺人嘗曰吾遭際不辰命也吾命誠苦如不歷盡過情之苦不足以明吾志之貞況有長子已成童或可光耀門庭也果爾今者哲嗣懋華卓犖不凡是亦 孺人苦盡甘來之食報也茲值 尊乘告竣聊爲俚句以誌不朽云
民國丙戌仲春

愚晚李秉周敬撰

榮臣先生序

丙戌仲春之望久雨新晴伏案默坐沉悶寂如有李俊廷與李秉周二君來舍相邀訪友乃拋琴書出門墻步郊垌時逢天郎氣清惠風和暢杏紅李白燕語鶯歌洵可懷也予胥樂兮即踵鄂榮臣家入其門婦子嬉然詢榮對在祠助理譜事不數武趨祠相晤見尊族諸賢或編或校梓工多人或刷或刊素箋重疊文字燦爛支派昭穆序傳贊略皆出自高士之才名賢之筆因思榮臣諱懋華少倜儻有大志年幼失怙器宇不凡嘗以迫於環境有書未讀爲憾迄今續譜不能分勞有志莫逮

鄂氏宗譜

卷首下

九二

進賢堂

難爲宗族交遊光雖然先生固如是言其尊祖敬宗之孝心不爲不深且切矣移孝作忠一得伯樂楚項羽之風復見於鄂地亦未可料也予等終日遊樂自愧弗及欲爲一序慚維學識謏陋枯腸幾搜滴泉和墨濡管攤箋執筆難下既而二李君慇懃再四不得已僅即予等之情景與先生之氣概聊書以序

民國丙戌年仲春月上浣

愚弟董幼廷撰

春華公贊

我公豪邁真可喜我喜我公雄不已叱咤能令山岳摧
懦者聞之亦興起年愈古稀老益壯優哉游哉一杖履

道桂公贊

桂薑老愈辛松柏老愈貞嗟惟我公德有如此天真敦
本睦宗族奕世重典型子孫昭矩矱理合刊石銘

華亭公贊

公名列成均公績著漢津商界勤經營聲稱成與信氣
質雅彬彬吁嗟富貴未及身不得於子孫

殿臣公贊

鄂氏宗譜

卷首下

九三

進賢堂

堂堂皇七如圭如璋性癖清潔默坐焚香名標太學利
食洋場人似公者於族有光

應山公贊

公之局度冠尋常雄偉端嚴氣軒昂業創中州才識裕
不忘敬梓與恭桑

明魁公紀略

公貌古樸性良善治家克勤克儉處事無詐無欺事賢
完美未四旬而絃斷謀續娶礙於奪倫棄聘金遽止遂
以鰥終暇則飲酒弄孫唱田歌以自娛有子四賢棠存
春皆勤謹善繼述爲族黨所重今季子繼春爲族正孫

志啓贊襄譜事有功曾孫林立其遺澤不綦長歟

明相公贊

惟公有酒德豪賽飲中仙壺瓶隨杖履水涓與山巔醇
良真長者子孝并孫賢奕世戴恩德瓜瓞慶綿亾

明德公贊

心清如水性直如絃老辛如桂味苦如蓮齒尊及耄世
稱曰賢三槐卓立碩果承先

明輝公贊

良禽擇木賢臣擇主孟氏卜鄰擇仁處瞻彼治之保安
兮樂郊樂土宅爾畋爾田兮耕讀商賈繼繼繩繩兮後

鄂氏宗譜

卷首下

九四

一進賢堂

之食德推公始

官亭公贊

灑落姿囂亾性敍彝倫誼之正惜奔馳於皖北汴南大
功未竣嗟公志莫逮之由者不自爲政

發公橋梓紀略

公號福階 正元公曾孫也性真誠有謀猷威儀棣亾
令人愛敬之賢漢皋頗擅聞譽有子五德學恩善述皆
能顧名思義丕振家聲爲一族之望今孫枝椒衍公之
詒謀誠遠矣

仁山公贊

卓哉仁公貌龐心慧有穀詒謀啓承不愧壽高七秩子
榮五桂堂構聿新肇箕裘於奕世

春圃公贊

蒼蒼者松惟公之容皎々者玉惟公之胸辛勤締造鍼
砭情慵忠厚樸實睦族敬宗

寶山公贊

公名瑤配則蕭壻依岳谷遷喬欲得所樂陶陶具特識
經濟饒沌陽業商幟標合完美聲價高

心齋公贊

公印錦標果得心直如矢硬如鐵惜哉未獲奮鷹揚

鄂氏宗譜

卷首下

九五

進賢堂

德劭年高享大耄

熙亭公贊

公名煌品端方性儉素心醇良承先緒德澤長勤創造
謀慮詳有童妣正而莊惜衣食屢糟糠二難並道益光
俾爾壽爾富俾爾熾爾昌

文亭公贊

其心休休其情油油其儀棣々其澤悠悠其制事精詳
績密其爲人淵深勁邁嗚呼賢哉長幼內外不能尤

善圃昆仲合贊

馬竇高風名芳千古樺棣々鄂綽々其侶乾坤正會及

登爲五正直平和如砥如矢親睦肅雍長幼序齒烝義
克諸德淵澤溥

繼友紀略

友印忠賢 俸美公玄孫也考諱鴻蚤逝妣蕭撫孤成
立初習鐵藝旋棄技入營屢考優級特授興山把總升
宜昌千戶晉封武冀都尉卒於任有妻妾無子而年復
不永惜哉

蕭節母略贊

苦節婦蕭氏 習齋公之三媳繼富妻也富卒時家窘
迫遣二子氏矢志撫孤茹荼集蓼族黨憫之謀以長子

鄂氏宗譜

卷首下

九六

進賢堂

繼仲氏冀分任之乃末幾次子殤氏以憂病卒是不可
以砥節礪行也哉

贊曰

古井冰松柏青婦所重節烈貞必如此之美玉無瑕而
始可以紀事而題名皎矣哉誠巾幗之完人

玉章贊

清與脛爲鄰瘦與薄相近命與福皆慳學與識交映胡
天不予以年未強即殞於戲痛哉吾宗其誰糾正

廣才公紀略

廣才公道咸時人遭世多難入綠營洪楊燄熄繼以平

擒剿回由豫晉達陝甘以功勳卓異授統制鎮守肅邊
光緒初請假歸籍始居王屋嘴後徙三條嶺世派本係
光字因舊譜無根據擅改光爲廣明爲昌致得癩病卒
嗚呼不學無術良可慨歎

海峰公紀略

先生諱繼茂號海峰爲明經公之四子其人品行端正
雅尚名義胸有機智言笑不苟以技術精巧得夷人欣
慕後執掌戶政勲理祖祠事不少懈遇族黨有紛爭輒
一言爲之冰釋立家則勤謹教子以義方厥後弓冶箕
裘克光前烈迄今子嗣猶食其德於不朽

鄂氏宗譜

卷首下

九七

進賢堂

繼友公紀略

公諱繼友世居稽龍山下牌樓村以漁耕爲業素勤儉
有膽識遇豪強無畏懼與諸巨族比鄰是七非非悉本
公正人或倚重之且伎求不生毅然特立雖悍勇莫敢
侮者至今同人猶賴以安焉此公持身涉世之大概也

炳楠公贊

大人虎變其文炳楠木之材高亦莫若公行事果斷而
且準少讀書姿質明敏賦天性忠厚純謹經商業籌算
井匕爲人謀忠心耿匕臨事必一日三省斯人宜獲壽
永詎料年晉五旬一夢不復醒

熊孺人贊

賢哉熊母淑德流芳年笄相鄂乃夫少薨勤操井臼侍奉姑嫜和睦妯娌敬梓恭桑撫孫教子柳丸荻香昊天不弔良人早亡守志待旌名節堪揚際茲續譜表德發光孺人之風不讓共姜

賀孺人贊

孺人賀氏相夫繼菁年僅三秩良人赴冥遺子尚幼家境窘貧哀躬撫養紡織爲生無怨無惡不吝不慳勤儉謹慎不失天真孺人之志賢哉可欽本屆續譜闔族佩欣藉表潛德未遑請旌

鄂氏宗譜

卷首下

九八

進賢堂

志考公贊略

公性樸直言行悉率本真是非無慚隱諱修身謹而嚴課子讀與耕其爲族正也勸理戶政資助公務踴躍雖傾囊不少惜公費不浪耗族人皆敬仰之因贊曰蒼松古柏可擬其形渾金璞玉可比其身公道正直心似砥平不雕不琢守樸全真

